





羸奎律髓卷之三十一

宋紫陽方虛谷先生選

論詩類



泉



舉



詩人世豈少哉而傳於世者常少由立志
不高也用心不苦也讀書不多也從師不
真也喜為詩而終不傳其傳不傳蓋亦有
幸不幸而其必傳者必出乎前所云之四
事今取唐宋詩人所論著於此與學者
共之

言 三首

苦吟

杜荀鶴

事好最好莫過詩一句我自得四方人已
知生應無輟印死是不吟時始擬歸山去林泉道
在茲

喜陸少監入京

姜梅山

昔人思老杜長恨不相隨還寄有劉白同吟惟陸
皮物睽終必合句妙却難追試問長安陌何如灞
岸時

范大參入覲頗愛鄙作以詩謝之

問句石湖老如將日指標枯中說滋味高處戒虛

驕頗許唐音近寧論漢道遙正聲今在耳萬樂聽

蕭韶

七言 三首

鄉有好事者出君謨行草八分書數幅中有
聖俞詩一首因成拙句以識二美

杜祁公

老杜為人性癖
耽佳句一首宜選
刻此卷

莆田筆健具文豪尤愛南山系詠高欲使英辭長
潤石每逢佳句即揮毫清如韶濩詩音律逸似鸞
毛羲獻有靈應悵望當時不見此風騷
太師相公篇章真草過人遠甚而特獎後進

流於詠言輒依韻和
梅聖俞

上詩嘗說少陵豪
祖德兼誇翰墨高
蘇李為奴令侍席
鋪玉北面使持毫
郊麟作瑞佳逢趾
天馬能行不辨毛
一誦東山零雨句
無心更學楚離騷

子美祖審言嘗自謂我詩可使蘇李為奴書可使鍾王北面

之朝天集歸楊誠齋
姜堯章

翰墨場中老斲輪
縱橫一筆掃千軍
年年花月無閒日
處處江山怕見君
箭在的中非爾及
風行水面偶成文
先生只可三千首
回施江東日暮雲

白石道人夔字堯章饒州人千巖蕭公以其女妻之當時甚得詩名幾於亞蕭尤楊陸范者予嘗與南昌陳杰壽夫論詩閱其餘藁

則大不然堯章自能按曲為詞甚佳詩不逮詞
遠甚予選其詩亦此一首合予意容更詳之

瀛奎律髓卷之三十六

瀛奎律髓卷之三十七

宋紫陽方虛谷先生選

技藝類

書畫琴碁巫鑿卜筮百工技巧史為立傳
以藝之難臻也唐宋以來挾一藝游公卿
之門因詩以得名者不少焉豈可以小技
易見之哉

五言 二首

詠郡齋壁畫片雲得歸字 岑參

雲片何人畫。塵侵粉色微。未曾行雨去。不見逐風

老杜何年頌
頭詩宜入此類
已見前

歸只怪偏凝壁。回看欲染衣。丹青欲借便移向帝鄉飛。

草書屏風

韓致光

何處一屏屈分明。懷遠踟躕雖多塵色染。猶見墨痕濃。怪石奔秋澗。寒藤掛古松。若教臨水畔。字字恐成龍。

七言十一首

畫真來嵩

梅聖俞

廣陵太守歐陽公。令爾畫我憔悴容。便傳髣髴在縑素。又欠勁直藏心胸。與以貨布不肯受。比之鑿

卜魯非庸公。今許爾此一節。爾只丹青期亦逢。

次韻吳仲庶省中畫壁

王半山

畫虎雖非顧虎頭。還能滿壁畫滄洲。九衢京洛風沙地。一片江湖草樹秋。行數魚鰕賓共樂。卧看鷗鳥吏方休。知君定有扁舟意。却為丹青肯少留。

和仲庶池州齊山圖

省中何忽有崔嵬。六幅生綃上上開。指點便知巖穴處。登臨新作使君來。雅懷重向平青得。勝勢兼隨翰墨回。更想杜郎詩在眼。一江春雪下離堆。

次韻平甫贈三靈程惟象

五六八甫自謂也

家山松菊半荒蕪。杖策窮年信所如。占見地靈非
卜筮。筭知人貴自陶漁。久諳郭璞言多驗。老比顏
含意更疎。祇欲勒成方士傳。借君名姓在新書。

贈李士寧道人

季主遂巡居卜肆。彌明解后作詩翁。曾令宋賈伏
車上。更使劉侯驚坐中。杳杳人傳多異事。冥冥誰
識此高風。行歌過我非無謂。惟恨貧家酒盞空。

贈三靈程道人

王平甫

三靈山下新安水。瀟灑人間畫不如。收得市朝忙
日月。歸來田里老樵漁。君能知命忘機久。我愧干

時觸事疎。從此卜隣同笑傲。何須強著解嘲書。

贈善相程傑

蘇東坡

心傳異學不謀身。自要清時閱縉紳。火色上騰雖
有數。急流勇退豈無人。書中苦覓元非訣。醉裏微
言却近真。我似樂天君記取。華顛賞徧洛陽春。

贈虔州術士謝晉臣

屬國今從海外歸。君平且莫下簾帷。前生恐是盧
行者。後學過呼韓退之。死後人傳戒定慧。生時宿
直斗牛箕。憑君為筭行年看。便數生時到死時。

贈童道人蓋與予同甲子

陸放翁

東坡自海外歸時
作故首句云

閱過衆人詩忽見
蘇作令我心開目
明

吾儕之生乙巳年達者寥寥同此肩退士一生藜
藿食散人萬里江湖天忍貧不變我自許挾術自
營君豈然一事尚須煩布策幾時能具釣魚船

元註方世
小舟未得也

贈徐相師

許負遺書果是非子憑何處說精微使君豈必如
椰大丞相元來要瓠肥袖濶日常籠短刺肩寒春
未換單衣半頭布袋挑詩卷也道遊京賣術歸

後四句曲盡近時術
士窮態三四亦好

贈傅神水鑑

寫照今誰下筆親喜君分得卧雲身口中無齒難
藏老頰上加毛自有神誤遣汗青成國史未妨着
句號山人他時更欲求竒迹畫我溪頭把釣緡

元註水鑑寫子真作幅巾白
道衣中四句皆佳時在史局

書

瀛奎律髓卷之三十七

瀛奎律髓卷之三十八

宋紫陽方虛谷先生選
州泉吳孟舉重閱
遠外類

汲冢周書有王會圖周官有象胥舌人之
職漢蒟醬印竹蒲萄苜蓿安石榴皆自外
國至遠人慕化而來使人將命而出以柔
以無其事不一形諸武詠詭異譎觚於唐
為多宋亦不無也

五言 十二首

送褚山人歸日東

賈浪仙

懸帆待秋色去入杳冥間東海幾年別中華此日
還岸遙生白髮波盡露青山隔水相思在無書也
是閒

送黃矢新歸安南

池亭沈飲徧非獨曲江花地遠路穿海春歸冬到
家火山難下雪瘴土不生茶知決移來計相逢期
尚賒

送朴處士歸新羅

顧非熊

少年離本國今去已成翁客夢孤舟裏鄉山積水
東鼇沉崩巨岸龍鬪出遙空學得中華語將歸誰

與同

日東病僧

項斯

雲水絕歸路來時風送船不言身後事猶坐病中
禪深壁藏燈影空牕出艾烟已無鄉土信起塔寺
門前

曲盡外國僧
老病之味

奇院賈宿聞呂員外使高麗贈送徐騎省

聖化今無外征途莫憚賒揚帆箕子國駐節管寧
家去伴千年鶴歸途八月槎離情限華省持此待
疎麻

送新羅使

張司業

萬里為朝使。離家經幾年。應知舊行路。却上遠歸船。夜泊避蛟窟。朝炊求島泉。悠悠川鄉國。還望海西天。

贈東海僧

別家行萬里。自說過扶餘。學得中州語。能為外國書。與鑿收海藻。持咒取龍魚。更問同來伴。天台幾處居。

送人游日本國

方玄英

蒼茫大荒外。風教却難知。連夜揚帆去。經年到岸

遲波濤。含左界。星斗定東維。或有歸風便。當為相見期。

第四句佳。然今自明州定海出昌國。往往順風。六七日耳。歲惟有此一番風。往來必經年也。

送僧歸日本國

吳融

滄溟分故國。渺渺泛杯歸。天盡終期到。人生此別稀。無風亦駭浪。未午已斜暉。繫帛何須雁。金烏日

三
妙

送朴山人歸新羅

馬戴

浩渺行無極。拂帆但信風。雲山過海半。鄉樹入舟

中波定遙天出沙平遠岸窮離心寄何處目斷暮霞東

王昭君

劉中叟

歛袂出明光琵琶道路長初聞胡騎語未解漢宮糝薄命隨塵土元功屬廟堂蛾眉如有用慚愧羽林郎

劉戲魚臺劉次莊也長沙人以開梅山入洞曉諭得官熙寧七年賜同進士出身仕至侍御江西漕

送僧歸新羅

姚鵠

淼淼萬餘里扁舟發落暉滄溟何處別白首此時歸寒暑途中變人煙嶺外稀驚天巨鼇鬪蔽日大

鵬飛雪入行沙屨雲生坐石衣漢風深得習休恨本心違

七言 四首

送源中丞充新羅國冊立使 劉夢得

相門才子稱華簪持節東行捧德音面帶霜威辭鳳闕口傳天語到雞林煙開鰲背千尋碧日落鯨波萬頃金想見扶桑受恩後一時西拜盡傾心

百字新羅後皆為高麗所併此詩中四句全佳

贈日本僧智藏

浮杯萬里過滄溟遍禮名山適性靈深夜降龍潭

水黑新秋放鶴野田青身無彼我那懷土心會真
如不讀經為問中華學道者幾人雄猛得寧馨

三四道麗五
六月議論

送和蕃公主

張司業

第六句維太直
紅真

塞上如今無戰塵漢家公主出和親邑司猶屬宗
卿寺冊號還同虜帳人九姓旗幡先引路一生衣
服盡隨身氈城南望無回日空見沙蓬水柳春

崑崙兒

崑崙家住海中洲蠻客將來漢地遊言語解教秦
吉不波濤初過鬱林洲金環欲落曾穿耳螺髻長

拳不裹頭自愛肌膚黑如漆行時半脫木綿裘

此所謂崑崙兒
即今之黑廝也

瀛奎律髓卷之三十八

瀛奎律髓卷之三十九

宋紫陽方虛谷先生選

消遣類

莊子曰令人之意也消有所不平焉而不能消則褊狹矣衛玠曰非意相干可以理遣有所不堪焉而不能遣則怨怒矣詩人多有所謂消愁遣興之作必深達物理世故人情天道者乃能為真消遣之言否則非由衷也

五言

四首

可惜

花飛有底急。老去願春遲。可惜歡娛地。都非少壯時。寬心應是酒。遣興莫過詩。此意陶潛解。吾生後汝期。

看嵩洛有歎

白樂天

今日看嵩洛。回頭歎世間。榮華急如水。憂患大於山。見苦方知善。經忙始變閒。未聞籠裏鳥。飛去肯

飛還

變一作戀

夜飲

李商隱

卜夜容衰鬢。開筵屬異方。燭分歌扇淚。雨送酒船

香。江海三年客。乾坤百戰場。誰能辭酌醑。淹卧劇清漳。

孤學

陸放翁

孤學雖遺俗。猶為一腐儒。家貧占力量。夜夢驗工夫。正欲安三徑。寧忘奏六符。殘年知有幾。自怪尚區區。

七言

三十九首

感興

白樂天

吉凶禍福有來由。但要深知不要憂。只見火光燒潤屋。不聞風浪覆虛舟。名為公器無多取。利是身

此首為楊震出而
發時鄭注用事揚
為可操貶震州以
揚本因說故傷
少首不知何指或為
李宗問之為李訓
鄭注可通

此首為王涯而發揚
甘露之變在太和九
年冬東坡云某天為
王涯所誘滴江州甘露
之禍某天道遊香山寺
有白首因得二句不知者
以為非一山某天生員
人我蓋悲之也

災合少求雖異匏瓜難不食大都足食早宜休
魚能深入無憂釣鳥解高飛豈觸羅縶處先爭炙
手去悔時其奈噬臍何樽前誘得猩猩血幕上偷
安燕燕窠我有一言君記取世間唯有苦人多

閒卧有所思

向夕寒簾卧枕琴微涼入戶起開襟偶因明月清
風夜忽想遷臣逐客心何待投荒初恐懼誰人撓
澤正悲吟始知洛下分司坐一日安閒直萬金
權門要路足身災散地閒居少禍胎今日憐君嶺
南去當時笑我洛中來蟲全性命緣無毒木盡天

年為不才大抵吉凶多自致李斯一去二疏回

九年十一月二十一日感事而作

禍福茫茫不可期大都早退似先知當君白首同
歸印是我青山獨往時願索素琴應不敢憶牽黃
犬定難追麒麟作脯龍為醢何似泥中曳尾龜

元註其日獨

遊香山寺

放言

朝真暮偽何人辨古往今來底事無但識滅生能
詐聖可知甯子解佯愚草螢有耀終非火荷露雖
圓豈是珠不取燔柴兼照乘可怜光彩亦何殊

世途倚伏都無定。塵網牽纏卒未休。禍福迴環車
轉轂。榮枯反覆手藏鈎。龜靈未免剝腸患。馬失應
無折足憂。不信君看奕棋者。輸贏須待局終頭。
贈君一法決狐疑。不用鑽龜與祝蓍。試玉要燒三
日滿。辨才須待七年期。周公恐懼流言後。王莽謙
恭未篡時。向使當時身便死。一生真偽復誰知。
誰家第宅成還破。何處親賓哭復歌。昨日屋頭堪
炙手。今朝門外好張羅。北邙未審留閒地。東海何
曾有定波。莫笑賤貧誇富貴。共成枯骨兩如何。
泰山不要欺毫末。顏子無心羨老彭。松樹千年終

是朽。槿花一夕自為榮。何須戀世常憂死。亦莫嫌
身漫厭生。生去死來都是幻。幻人哀樂係何情。

即目

韓致光

動非求進靜非禪。咋口吞聲過十年。溪漲浪花如
積石。雨晴雲葉似連錢。干戈歲久諳戎事。枕筆秋
深減夜眠。攻苦慣來無不可。寸心如水但澄鮮。

惜春

願言未偶非高卧。多病無心選勝遊。一夜雨聲三
月盡。萬般人事五更頭。年踰弱冠即為老。節過清
明却似秋。應是西園花已落。滿溪紅片向東流。

此首已見去類

殘春旅舍

旅舍殘春宿雨晴。恍然心地憶咸京。樹頭蜂抱花
鬚落地面。魚吹柳絮行。禪伏詩魔。歸淨域。酒衝愁
陣出奇兵。兩梁免被塵埃汙。拂拭朝簪待眼明。

春中湘中題岳麓寺僧舍

羅隱

蟾宮虎穴兩皆休。來凭危欄送遠遊。多事林鶯還
謾語。薄情邊雁不回頭。春融只待乾坤醉。水濶深
知世界浮。欲共高僧話心跡。野花芳草奈相尤。

羅昭諫生當亂離多
不得志哀怨之言

下第

羅鄴

謾把青春酒一杯。愁襟未信酒能開。江邊依舊空
歸去。帝里還如不到來。門掩殘陽鳴鳥雀。花飛何
處好池臺。此時惆悵便堪老。何用人間歲月催。

唐人下第情懷有如此者一
名一第役天下士亦可怜矣

安定城樓

李商隱

迢遞高城百尺樓。綠楊枝外盡汀洲。賈生年少虛
垂涕。王粲春來更遠遊。永憶江湖歸白髮。欲回天
地入扁舟。不知腐鼠成滋味。猜意鷓鴣竟未休。

十二月十七日移病家居三首

張宛丘

半山最賞此聯細
中一大有杜意

擊蒼二字乃臂鷹者
身大似鳧休未詳所
出

老去塵懷痛洗前。虛舟不繫任洄沿。寸心若變有
如日。萬事不憂終在天。莫為饑寒棄南畝。須知穠
藁有豐年。桃符俚子喧門巷。又向江城一歲捐。
憑高游目快遐瞻。落日孤雲與水兼。萬頃澤空供
雪意。一枝梅笑破冬嚴。擊蒼未減飛揚興。引滿何
辭斗石添。楊柳催春兼警客。荒溝照影弄纖纖。
從今羞復立功名。鹵莽因循已半生。心遣我愚應
有謂。眼看人智亦何成。夢為蝴蝶因觀化。目送飛
鴻謾寄情。堪笑妻兒懷土甚。謫期未滿已留行。

此三詩謫黃州時作。消愁遣興。順
時達理。引物觸類。前輩多有之。

和堯夫打乖吟

程明道

打乖非是要安身。道大方能混世塵。陋巷一生顏
氏樂。清風千古伯夷貧。客求易妙多攜卷。天為詩
豪剩借春。儘把笑談親俗子。德容猶足畏鄉人。
聖賢事業本經綸。肯與巢由繼後塵。三幣未回伊
尹志。萬鍾難換子輿貧。且因經世藏千古。已占西
軒度十春。時止時行皆有命。先生不是打乖人。

邵堯夫一世豪傑。而安於閑退。理數之學。胸中浩然。時適有
生如明道者知之。伊尹伯夷。顏子孟軻。其志也。非大說話。

寓歎

陸放翁

俗心浪自作琴絲。世事元知似奕棋。舊業蕭然歸

易字係墨字

亦樂餘生至此死何悲古人可作將誰慕造物無
心豈自私已決殘春故流一作去短蓑垂釣月明時

後寓嘆

貂蟬未必出兜鍪要是蒼鷹已下鞴彭澤竟歸端
為酒輕車已老豈須侯千年精衛心平海三日於
菟氣食牛會與高人期物外摩挲銅狄灞陵秋

前詩三四佳後詩六句豪俊嘉泰二年癸亥放翁年七十九在朝

歸雜詠

雪滿漁蓑雨墊巾超然無處不清真胸中那可有
一事天下故應無兩人騎馬每行秋棧路喚船還

渡暮江津酒樓僧壁留詩遍八十年來自在身
齒豁頭童儘耐嘲即今爛飯用匙抄朱門謾設千
杯酒青壁寧無一把茅偶爾作官羞問馬頹然對
客但稱猫此時定向山中死不用磨錢擲卦爻

元註磨錢擲卦爻蜀龍昌期語也此翁七十九歸老詩

龜堂獨坐遣悶

放逐還山八見春枯顛槁頂雪霜新大床不解除
豪氣凡眼安能識貴人食有淖糜猶足飽衣存短
褐未全貧北窗坐卧君無笑拈起烏藤捷有神

遣興

莫笑龜堂磊砢胸。此中元可貯虛空。尚饒靈運先成佛。那計辛毘不作公。採藥偶逢丹井客。買蓑因過玉霄翁。不須更問歸何許。散髮飄然萬里風。

書興

占得溪山卜數椽。飽經世故氣猶全。入門明月真堪友。滿榻清風不用錢。便死也勝千百輩。少留更望二三年。湖橋酒美能來醉。一棹何妨作水仙。

翁是年有詩云老出鄉間右貧過仕宦初亦佳句蓋已八十四矣

遣興

幾看人間歲月新。釣船猶繫鏡湖濱。曾穿高帝朝

元仗。却作山陰版籍民。留病三分嫌太健。忍饑半日未全貧。早知畫錦能為祟。翁子終身合負薪。

書齋壁

平生憂患苦縈纏。菱刺磨成芡實圓。天下不知誰竟。是古來唯有醉差賢。過堂未悟鐘將響。睨柱誰知壁偶全。自笑為農行沒世。尚如驚雁落空絃。

遣興

侯印從來非所圖。赤丁子亦不容呼。着低怯對新棋敵。量減愁添舊酒徒。生世豈能常役役。酣歌且復和鳴鳴。扁舟到處皆吾境。莫問桐江與鏡湖。

忘孝心好

家住城南剡曲傍。門前山色蘸湖光。三朝執戟悲
年壯。二頃扶犁樂歲穰。名姓已隨身共隱。文辭終
與道相忘。子孫勉守東臯業。小甌吳粳底樣香。

五六好
議論

雜興

散髮林間萬事輕。夢魂安穩氣和平。只知秋菊有
佳色。那問荒雞非惡聲。達士招呼同嘯傲。福人分
付與功名。一篇說盡逍遙理。始信蒙莊是達生。

信筆

范石湖

天地同浮水上萍。羲娥迭耀案頭螢。山中名器兩

先生有滋性卷

苾屨花下友朋雙。玉餅童子昔曾誇。了。主翁今
但諾惺惺。歸田贏得都無事。輸與諸公汗簡青。

尾句是出處之
間有感云云

請息齋書事

覆雨翻雲轉手成。紛紛輕薄可伶生。天無寒暑無
時。令人不炎涼。不世情。栩栩筭來俱蝶夢。啾啾能
有幾雞鳴。冰山側畔紅塵漲。不隔瑤臺月露清。
刺木牽絲罷戲場。祭終雨後兩相忘。門雖有雀尚
廷尉。食已無魚休孟嘗。蝨裏趨時真是賊。虎中宣
力任為張。籬東舍北誰情話。雞語鷗盟意却長。

聚蚋醯邊鬧似雷。乞兒爭肯向寒灰。長平失勢見
何晚。粟里息交歸去來。休問江湖魚有沫。但期雲
水鶴無媒。巖扉岫幌牢扃鎖。不是漁樵不與開。

今詳石湖此四詩。淳熙十二年乙巳正月作。時年六十歲也。

孤山寒食

趙師秀

三月芳菲在水邊。旅人消困亦隨緣。晴舒蝶羽初
勻粉。雨壓楊花未放綿。有句自題閑處壁。無錢難
上貴時船。最怜隱者高眠地。日日春風是管絃。

趙紫芝之戀戀西湖以終其生。錢塘詩人大率如此。當時昇平。看人富貴。以一身混其中。亦不為大無聊也。

羸奎律髓卷之三十九

羸奎律髓卷之四十

宋紫陽方虛谷先生選

兄弟類

七言

七首

喜敏中及第偶示所懷

白樂天

自知羣從為儒少。豈料詞場中第頻。桂折一枝先
許我。楊穿三葉盡驚人。轉於文墨須留意。貴向煙
霄早致身。莫學我兄年五十。蹉跎始得掌絲綸。

敏中新授戶部員外郎西歸

千里歸程三伏天。官新身健馬翩翩。行衝赤日加

飡飯上到青雲穩着鞭長慶老郎唯我在客曹故
事望君傳前鴻後雁行難續相去迢迢二十年

送二十兄還鎮江

李吳伯

此行檢校幽棲事佳處知公故未忘新筭豈應過
母大舊松想已及人長老來對客須靈照貧後持
家藉孟光世亂身危何處是二年孤負北窗涼

李處權字與伯洛陽人邯鄲公淑之後有崧庵集宣
和間與陳叔易朱希真以詩名南渡後嘗領三衢

布作高陽臺衆樂園成被命與金陵易地兄
弟待罪侍從對更方面實為私門之慶走筆

寄子開弟

曾子宣

樓臺丹碧照天涯塞北江南未足誇千里煙波方
種柳萬株莢李未開花一麾同下西清路兩鎮高
迎上將牙回首林塘莫畱戀風光還屬阿連家

肇謹次元韻

曾子開

文物河間信可嘉風流江左亦堪誇水南水北千
竿竹山後山前二月花久愧迂儒懷郡紱聊須雋
老駐軍牙兩州耆舊無多怪魯衛從來是一家

此事古今希有曾布子宣守高陽弟肇子開守金陵兩易將吏交
迎送於途誠盛事也後子宣相子開當制尤盛事也又其後居京
口先後一日卒惜
子宣為小人之相

示長安君

王半山

少年離別意非輕。老去相逢亦愴情。草草杯盤供笑語。昏昏燈火話平生。自憐湖客三年隔。又作塵沙萬里行。欲問後期何日是。寄書應見雁南征。

宋匪躬太祝先輩示及劉貢父伯仲三人同年登第之詩因奉一篇

王平甫

六朝文物事當奇。闕閱如今舉世推。射策人爭看三虎。薦書吾早識孤羆。集英曉日臚傳後。瓊苑春風宴喜時。共羨絲綸歸世掌。還開駉隔鳳凰池。

元註太祝京西第一薦時予為考官

瀛奎律髓卷之四十一

瀛奎律髓卷之四十一

宋紫陽方虛谷先生選

子息類

五言 六首

卜歲日喜談氏外孫女孩滿月

白樂天

今日夫妻喜他人。豈得知自嗟生女晚。敢誅見孫遲物以稀為貴。情因老更慈。新年逢吉日。滿月乞名時。桂燎熏花果。蘭湯洗玉肌。懷中有可抱。何用是男兒。

阿雀兒詩

謝病卧東都。羸然一老夫。孤單同伯道。遲暮過商瞿。豈料鬢成雪。方看掌上珠。已衰寧望有。雖晚亦勝無。蘭入前春夢。桑懸昨日弧。里閭多慶賀。親戚共歡娛。膩剝新胎髮。香縹小繡襦。玉芽開手爪。酥顆點肌膚。乳氣初離殼。啼聲漸變雛。何時能反哺。供養白頭烏。

元白皆苦無子。樂天晚得此子。後亦天也。詩人窮相。形容無所不至。晚乃所以妨此子歟。

詠孩子

嚴維

嘉客會初筵。宜時魄再圓。衆皆含笑戲。誰不點頭

憐。綉被花堪摘。羅縵色欲妍。將雛有舊曲。還入武城絃。

楊本勝說於長安見小兒阿袞

李商隱

聞君來日下。見我最嬌兒。漸大啼應數。長貧學恐遲。寄人龍種瘦。失母鳳雛癡。語罷休邊角。青燈兩鬢絲。

小孫納婦

姜梅山

慶事集朋親。孫枝喜氣新。歌雲停碧落。舞雪眩青春。暖日花君子。清樽酒聖人。一春行樂地。不負牡

義山集中表師我為
次五古一章絕佳乃
初為龍種鳳雛詩也
似平太過

熨貼細膩

丹辰

此翁樂哉為人祖而見孫納婦貧亦樂也而况富貴乎

哭開孫

陸放翁

學步漸扶床。乘車已駕羊。虛稱砌臺史。不遇玉函方。杳杳天難問。茫茫夜正長。寂寥誰伴汝。蕭寺閉空房。

七言 六首

李商隱

予與微之老而無子發於言歎著在詩篇今年冬各有一子戲作二什一以相賀一以自

嘲

白樂天

常憂到老都無子。何況新生又是兒。陰德自然宜有慶。皇天可得道無知。一園水竹今為主。百卷文章更付誰。莫慮鵝雛無浴處。即應重入鳳凰池。五十八翁方有後。靜思堪喜亦堪嗟。一珠甚小還慚蚌。八子雖多不羨鴉。秋月晚生丹桂實。春風初長紫蘭芽。持杯願祝無他語。慎勿頑愚似汝爺。

樂天生於大曆七年壬子此年太和三年己酉年五十八歲微之小樂天七歲是年五十一

哭崔兒

掌珠一顆兒三歲。鬢雪千莖父六旬。豈料汝先為異物。常憂吾不見。成人悲腸自斷。非因劍啼。眼加

也痛入法

蘇東坡

卷四十一子息類

三

昏不是塵懷抱又空添默默依然重作鄧攸身

六十無子不容不悲人情也

戲題贈二小男

劉長卿

異鄉流落頻生子幾許悲歡併在身欲識老容羞
白髮每看兒戲憶青春未知門戶堪誰主見免琴
書與別人何幸暮年方有後舉家相對却沾巾

第四句已佳五
六句全似樂天

相使君第七男生日

娶妻生子復生男獨有君家衆所談荀氏八龍唯
欠一桓生四鳳已過三他時幹蠱聲名著今日懸

弧宴樂酣誰道衆賢能繼體須知箇箇出於藍

賦第七男用事造語巧綴然昌黎
五男兒亦如此形狀不可棄也

寄二子

陸放翁

大兒新作鶴林遊仲子經年戍吉州日日望書常
至暮時時入夢却添愁得官本自輕齊虜對景寧
當似楚囚識取乃翁行履處一生任運笑人謀

瀛奎律髓卷之四十一

封效餘

瀛奎律髓卷之四十二

宋紫陽方虛谷先生選

寄贈類

遠而有寄面而有贈有寄贈則有酬答不專取諛取詩律之精而已

五言 三十八首

答李司戶

宋之問

遠方來下客輜軒攝使臣弄琴宜在夜傾酒貴逢春駟馬留孤館雙魚贈故人明朝散雲雨遙仰德為隣

贈昇州金陵也王使君忠臣

李太白

六代帝王國。三吳佳麗城。賢人當重寄。天子借高名。巨海一邊靜。長江萬里清。應須救趙策。未肯棄侯嬴。

盛二尺詩氣魄廣大晚唐人詩工夫纖細善學者能兩用之一出一入則不可及矣此詩比老杜律雖寬而意不迫

忝職武昌初至夏口書事獻府主

竇下鞏

白髮放纓韉。梁王舊愛全。竹籬江畔宅。梅雨病中天。時奉登臨宴。閒修上水船。時人興謗易。莫遣鶴猜錢。

此所謂府主乃元稹微之也元以故相為武昌節度固請友封為副戎除秘少兼中丞以往鶴者友封自謂也

戲酬副使中丞見示四韻

元微之

莫恨暫纓韉。交游幾箇全。眼明相見日。肺病欲秋天。五馬虛盈櫪。雙蛾浪滿船。可憐俱老大。無處用閒錢。

微之時為武昌節度檢校戶部尚書未幾卒於任

微之見寄與竇七酬唱之什本韻外加兩韻

白樂天

旌鉞從纓韉。賓僚情禮全。夔龍來要地。鴛鴦下寥天。赭汗騎驕馬。青娥舞醉仙。合成江上作。散到洛

中傳窮巷能無酒貧池却有船春裝秋未寄漫道足閒錢

合音閣樂天時為河南尹和此詩

酬思黯戲贈

鍾乳三千兩金釵十二行妬他心似火欺我鬢如霜慰老資歌笑銷愁仰酒漿眼看狂不得狂得且須狂

元註思黯自云前後服鍾乳三千兩甚得力而歌舞之妓頗多來詩謔子贏老故戲答之

承寶七中丞見示初至夏口獻戎詩輒戲和

云

裴晉公度

出佐青油幕來吟白雪篇須為九臯鶴莫上五湖

船寶詩自稱鶴兼云治船裝故也故態君應在新聲我亦便聞鄂州初教成謳者甚工元

侯看再入好被暫留連

晉公初為微之所忌微之在相位不一月而出晉公終以再入許之可謂德人君子矣

和寄寶七中丞

仙吏秦蛾別新詩鄂渚來才推今八斗職賦舊三台雕鏤心偏許緘封手自開何年相贈答却得到中臺

令狐楚時為吏部尚書和此詩以前任戶部尚書友封為當司員外郎故第四句所云如此觀此五言詩足見一時人物風流之盛

過劉員外別墅

皇甫曾

謝客開山後郊扉水去通。江湖千里別衰老。一樽
同返照。寒川滿平田。暮雪空滄洲。自有趣不復。哭
途窮。

寄劉員外

南憶新安郡。千山帶夕陽。斷猿知夜久。秋草助江
長。鬢髮應成素。青松獨見霜。愛才稱漢帝。題柱在
田郎。

此所謂新安者唐之睦州今之嚴州今稱嚴為
新定郡歛為新安郡在唐時二郡總亦稱新安

喜皇甫侍御相訪

劉長卿

荒邨帶晚照。落葉亂紛紛。古路無行客。空山獨見

君。野橋經雨斷。澗水向田分。不為憐同病。何人到
白雲。

劉長卿詩細淡而不顯煥觀者當
緩緩味之不可造次一觀而已也

酬皇甫侍御見寄前相國姑臧公初臨郡

離別江南北。汀洲葉再黃。路遙雲共水。砧迥月如
霜。歲儉依仁政。年衰離故鄉。佇看宣政召。漢法倚
張綱。

第五句不涉風
物未嘗不新

酬包諫議見寄之什

佐郡媿頑疎。殊方親里閭。家貧寒未度。身老歲將

除過雪山僧至依陽野客舒藥陳隨遠宦梅發對
幽居落日棲鴉鳥行人遺鯉魚高文不可和空媿
學相如

包佶謫病寄
詩之所和也

敬酬李判官使院即事見呈
岑參

公府日無事吾徒只是閒草根侵柱礎苔色上門
關映硯時見鳥卷簾晴對山新詩吟未足昨夜夢
東還

天寶年間詩
皆如此飽滿

送張南史
一云寄
李紆

郎士元

雨過深巷靜獨酌送殘春車馬雖嫌僻鶯花不厭
貧蟲絲黏戶網鼠跡印床塵問道山陽會如今有
幾人

贈劉義

姚合

自君離海上垂釣更何人獨宿空堂雨閑行九陌
塵避時曾變姓救難似嫌身何處相期宿咸陽酒
市春

劉義豪俠之士嘗殺人
命此詩殆義之真像也

贈張質山人

先生居處僻荆棘與墻齊酒好寧論價詩狂不着

題燒成度世藥。踏盡上山梯。懶聽閒人語。爭如谷鳥啼。

世間多怪人喜吟詩而不切者多有之

贈姚合

張文昌

病來辭赤縣。案上有丹經。為客燒茶竈。教兒掃竹亭。詩成添舊卷。酒盡卧空瓶。闕下今遺逸。誰瞻隱士星。

寄孫冲主簿公

低折滄洲簿。無書整兩春。馬從同事借。妻怕罷官貧。道僻收閑藥。詩高笑古人。仍聞長吏奏。表乞鎖

廳頻

中四句賈浪仙相似姚武功未及也

贈任懶

未肯求科第。深坊且隱居。勝遊尋野客。高卧看兵書。點藥醫閑馬。分泉灌遠蔬。漢庭無得意。誰擬薦相如。

中二句極工

贈喻鳧

方玄英

所得非衆語。衆人那得知。纔吟五字句。又白幾莖髭。月閣歌眠夜。霜軒正坐時。沉思心更苦。恐作滿

頭絲閣燈... 志業不得力至今猶苦吟吟成五字句用破一生

心世路屈聲遠寒溪怨氣深前賢多晚達莫怕鬢

霜侵

志業一作志學。又白幾莖髭之聯與

用破一生心之聯意相似而破字未佳

未肯中路寄喻鳧

求名如未遂白路亦難歸送我樽前酒典君身上

衣寒蕪隨楚盡落葉渡淮稀莫歎干時晚前心豈

便非

盡一作濶。三四見晚唐詩人其貧如此

永州寄翁靈舒

徐道暉

古郡百蠻邊蒼梧九點煙去家疑萬里歸計在明

年風順眠聽角樓高望見船筠州當半道長得秀

詩篇

第六句好眼前事但道着便新

寄筠州趙紫芝推官

府後巖巒衆何時訪古仙井甘隣室共鐘遠雪風

傳病去茶難廢詩多石可鐫蜀江春未動猶得緩

歸船

三四
好

投楊誠齋

徐文淵

名高身又貴。自住小村深。清得門如水。貧惟帶有金。養生非藥餌。常語盡規箴。四海為儒者。相逢問信音。

三四
佳

寄酬葛天民

翁靈舒

常日已清癯。那兼日未除。傳來五字好。吟了半年餘。鐵柱天人觀。梅花處士廬。江湖正相隔。歲晚更愁予。

贈滕處士

識君戎馬際。今又十年餘。環海纔安息。先生便隱居。清風三畝宅。白日一床書。長是閒門掩。隣僧亦不如。

贈葛天民

燕本昔如此。清名千載垂。誰將囊米施。自拾束薪炊。柳影連蓬閣。湖波浸竹籬。朝昏無別事。只是欲吟詩。

寄幼安

周信道

我屋與君室。濟河南北州。相逢楚天晚。却看蜀江

燕本二字出李長
去詩僧本在乃蓋
人

流老境渾能迥妖氛竟未收何時一墨地歸種故園秋

信道與幼安俱濟南人故所作云爾詩意慷慨當阜陵之時思中原可也

次韻和季長學正月二十八日出郊見寄之

作 宋景文

雅俗傳祠印州人以二十八日祠保壽侯及唐杜丞相于崇真堂年華重宴辰初陽

澹江霧小雨破街塵是日雨而不濤游人皆集客蓋浮輕吹齋刀儼

後陳林芳催兔目原色換龍鱗壤路歌聲雜構娼

舞疊新持杯徧酬客唯欠眼中人

寄外舅郭大夫 陳后山

巴蜀通歸使妻孥且舊居深知報消息不忍問何如身健何妨遠情親未忍疎功名欺老病淚盡數行書

后山學老杜此其逼真者枯淡瘦勁情味深幽晚唐人非風花雪月禽鳥蟲魚竹樹則一字不能作九僧者流為人所禁詩不能成曷不觀此作乎

贈翁卷 劉後村

非止擅唐風尤於選體工有時千載事祇在一聯中世自輕前輩天猶活此翁江湖不相見纔見又

西東

後村詩比四靈斤兩輕得之易而磨之猶未瑩也四靈非極瑩不出所以難後村晚節詩飽滿四靈用事冗塞小巧多風味少亦減

涉淫杜詩翻畏消息未寸心之何有二句脫胎中二聯不必未也犯重四十字以去夫于檢點若此

此二首當必以江
湖集勢板一及

菊礪大為別錄

江流可折孫衣翁

世傳江湖集乃其
所刊及刻板為史
強遠所毀陳編此
涉罪并嚴詩禁史
後禁方解

於四靈也靈舒之
死最後容續攷書

贈高九萬并寄孫季蕃二首

諸人凋落盡高叟亦中年行世有千首買山無一
錢紫髯長拂地白眼冷看天古道微如綫吾儕各
勉旃

菊礪說花翁飄零向浙中無書上皇帝有句惱天
公世事年年異詩人箇箇窮築臺并下榻今豈乏
英雄

高九萬詩俗甚為老妓詩二首尤俗於後村孫季蕃老於花酒以詩禁僅為詞皆太平時節閒人也

寄趙昌父

趙師秀

逃名逃未得幾載住章泉便使重承諾多應不議
邊高風時所係新集世方傳憶就江樓別雪晴江
月圓

末句全犯無可憶就西湖宿月圓松竹深然亦可喜

贈賣書陳秀才

四圍皆古今永日坐中心門對官河水簷依柳樹
陰每留名士飲屢索老夫吟最感春燒盡時容借
檢尋

陳起字宗之睦親坊賣書開肆予丁未至行在所至辛亥年凡五年猶識其人且識其子今近四十年肆燬人亡不可見矣

寄新吳友人

藏全律隨

卷四十二詩類

長字下得新

每於樓上立遠望新吳春至山疑長江空雨似
無懷才人盡愛多病體常癯若治東游策舟行與
子俱

三四

七言 五十八首

酬淮南牛相公述舊見貽

劉賓客

秀章于別為晚
道通首跡安可
表

少年曾忝漢庭臣晚歲空餘老病身初見相如成
賦印尋為丞相掃門人追思往事咨嗟久喜奉清
光笑語頻猶有登朝舊冠冕待公三日拂埃塵

酬太原狄尚書見寄

較一老將四席諸
生在門外分高下
以如

家聲烜赫冠前賢時望穹崇鎮化邊身上官銜如
座主幕中談笑取同年幽并俠少趨鞭弭燕趙佳
人奉管絃仍把天兵書號筆遠題長句寄山川

寄李蘄州

下車書奏冀黃課動筆詩傳鮑謝風江郡謳謠誇
杜母洛陽歡會憶車公笛愁春盡梅花裏篔簹冷秋
生薤葉中 蘄州出好笛
并薤葉篔簹 不道蘄州歌酒少使君難稱與
誰同

夜宿江浦聞元八改官因寄此什

君遊丹陛已三遷我泛滄浪欲二年劍佩曉趨雙

箭半兩、分屬

鳳闕煙波夜宿一漁船交親盡在青雲上鄉曲遙
拋白日邊若報生涯應笑殺結茅栽芋種畝田

贈竇五判官

韋渠牟

故舊相逢三兩家愛君兄弟有聲華文輝錦綵珠
垂露逸興江天綺散霞美玉自矜頻獻璞真金難
與細披沙終須撰取新詩品更比芙蓉出水花

渠牟自稱重表兄
弟竇庠此詩極工

酬謝韋卿廿五兄俯贈

竇庠

大賢持贈一明璫蓬華初驚滿室光埋沒劍中生
紫氣塵埃恐上動清商荆山璞在終應識楚國人

知不是狂莫恨伏轅身未老會將筋力見玉良

此詩亦足以
當渠牟之賜

酬竇大閒居見寄

房儒復

來自三湘到五溪青楓無樹不猿啼名慚竹使宦
情少路隔桃源歸思迷鵬鳥賦成知性命鯉魚書
至恨睽攜煩君強着潘年比騎省風流詎可齊

竇八者名常所寄詩後四句云蝸舍喜時春夢覺隼獫行
處漳江清新年且可三十二却笑情郎白髮生故有此答

贈商州王使君

張司業

銜命南來會郡堂却思朝裏接班行才雄猶是山
城守道薄初為水部郎選勝相留開客館尋幽更

引到僧房明朝從此辭君去獨出商關路漸長
舊年同過水曹郎各罷魚符自楚鄉重着青衫承
詔命齊趨紫殿異班行別來同說經過事老去相
傳補養方憶得當時亦連步如今獨有讀書堂

寄梅處士

擾擾人間是與非官閒自覺省心機六行班裏身
常下九列符中事亦稀市客慣曾賒賤藥家童驚
見着新衣君今獨得居山樂應笑多時未便歸

依韻和趙令時

陸陶山

無事何妨數命賓一湖清境是西隣栽花要與春
為主對酒嗔將月借人詩就彩牋舒卷玉舞餘花
椀倒垂銀由來景物常無價謾道錢多會有神

贈別吳興太守中父學士

蓬山僊子任天真乞領南麾奏疏頻金鎖闕邊辭
鞞座水晶宮裏約朱輪公庭事簡煩丞掾齋閣詩
多泣鬼神莫為行春戀茗甞鑿坡揮筆待詞臣

和開祖丹陽別子瞻後寄

陳令舉

仙舟繫柳野橋東會合情多勞謫翁相對一樽浮
蟻酒輕寒二月小桃風羈懷散誕謳歌裏世事蹤

橫醉笑中莫恨明朝又離索人生何處不匆匆

陳舜俞字令舉嘉祐四年中制舉坐詆新法謫南康酒稅日與劉凝之遊遇赦不仕卒東坡祭文深痛之

寒食中寄鄭起侍郎
楊仲猷

清明時節出郊原寂寂山城柳映門水隔淡煙修竹寺路經疎雨落花邨天寒酒薄難成醉地迥樓高易斷魂回首故山千里外別離心緒向誰言

中四句皆美而下聯世人尤傳

次韻和內翰楊大年見寄
李虛已

黿冠三峰碧海寬雲謠初下藹芝蘭探珠宮裏驪龍睡織錦機中彩鳳盤藥砌蒼苔錢作點粉墻修

竹玉為竿閒從莊蝶親鳧鳥曾得安期九轉丹

三四頌楊文公所作如探珠織錦五六言翰苑景物又謂夢中親炙承神仙丹點化之力酷有崑體

次韻和汝南秀才遊淨土見寄

長松繫馬放吟鞭水殿沉檀一炷煙苔破閒階幽鳥立草芳深院老僧眠桃花欲放條風後茶蘖新供谷雨前衰會賞詩多狎客我無岐路近神仙

三四甚佳虛已官至工侍初與曾致堯偕和致堯謂子之詩工矣而其音猶啞虛已惘然退而精思得沈休文浮聲切響之說遂再綴數篇示曾曾乃駭然歎曰得之矣予謂此數語詩家大機括也工而啞不如不必工而響潘邠老以句中眼為響字呂居仁又有字字響句句響之說朱文公又以二人晚年詩不皆響責備焉學者當先去其啞可也亦在乎抑揚頓挫之間以意為脈以格為骨以字為眼則盡之

啞響義多該多依
自知之於亦有辨為詩
家而終身不怪去細靜
工夫去海耳不耳由平
意脈托骨字眼山學不
深宜休會

將到都先獻樞密大尉相公 宋景文

再試州旗驗不才却將憔悴到中臺相車問罷同

牛喘大廈成時與燕來守壽春日方聞爰立之拜今日謀猷須丙魏

他年賓客但鄒枚西園聞道餘春在尚及花前灑

灑杯

和致政燕侍郎舟中寄晏尚書公自壽州換知陳州至是再入

異時仙閣對三休頓首辭榮動邃旒疏廣故僚供

祖帳鳴夷盡室付歸舟側階生玉懷歡宴燕壁圖

山代遠遊新句漸高塵累少紫芝巘曲要相求

此晏元憲公也

送越州陸學士

梅天霞破候旗乾鄉樹依然越絕間挾策當年逢

掖去懷章此日繡衣還亭餘內史浮觴水路入仙

人取箭山牛酒盛誇先墅宴不妨春詔得親班

留別虞樞密

王景文

太倉宇宙久陳陳合與英豪共挽新修造鳳樓須

有手住持烏寺可無人千官禮絕三司貴一士歸

心萬國春藉與八風吹六翮飛騰意度不無神

孔靈符會稽記射
的山西省有白鶴山
此郭若為仙人取箭
每創土尋去遂成此
山

劉後村續詩話云王質景文與王樞使公明詩云試看公出手毋謂我無人與虞丞相云寄身江漢歸無所開眼乾坤見有公甚雋快但下聯云修造鳳樓須有手住持烏寺可無人幾於自鬻矣

寄蘇內翰

劉景文

倦壓鰲頭請左符，笑尋潁尾為西湖。二三賢守去
非遠，六一清風今不孤。四海共知霜鬢滿，重陽曾
插菊花無。聚星堂上誰先到，欲傍金樽倒玉壺。

六一清風一聯已佳，四海重陽一聯不唯見天下人共惜東坡之
老，又且開慰坡公隨時消息，不必以時事介意也。句律悲壯豪健，
人人能誦之。

次韻劉景文見寄

蘇東坡

淮上東來雙鯉魚，巧將詩信渡江湖。細看落墨皆
松瘦，想見掀髯正鶴孤。烈士家風安用此，書生習
氣未能無。莫因老驥思千里，醉後哀歌缺唾壺。

坡詩亦足敵景文三四勁健五六言景文
家世壯烈而能詩氣象嶄峴未易攀也

賈麟自睦來杭，復將如蘇戲贈短句

強幾聖

春風那解繫狂游，朝醉桐江暮柳洲。大手千篇隨
地掃，一身四海學雲浮。榮名不落閒宵夢，退築聊
為歲晚謀。老橘殘鱸猶有興，片心還起洞庭舟。

強至幾聖餘杭人精於詩
有祠部集此特其一耳

和子瞻泂牒京口憶西湖出游見寄

陳述古

春陰漠漠燕飛飛，可惜春風與子違。半嶺煙霞紅

旆入滿湖風月畫船歸。緱笙一闋人何在，遼鶴重來事已非。猶憶去年題別處，鳥啼花落客沾衣。

寄長沙簿孫明遠

楊龜山

陽城衰晚拙催科，闔寢空慚罪已多。祭竈請隣君自適，載醪祛惑我誰過。猗猗庭倚蘭堪佩，寂寂門無雀可羅。歸去行尋溪上侶，為投纓紱換漁蓑。

楊公道學大儒詩其餘事

此篇齊整元祐人句法也

寄陳鼎

張宛丘

懶着青衫泥醉眠，近來沽酒困無錢。常憂送乏隣僧米，何啻寒無坐客氈。直道謾憑詹尹卜，浮生已

付祖師禪。祇因居士無醒日，知有淵明種秫田。

元註陳新置九

華田自號居士

長句贈邠老

衰疲坐甑極蒸噓，念子柯山守舊廬。盧叟今無僧送米，董生時有吏徵租。上書自薦心應恥，扶策躬耕計未疎。虎豹九關今肅穆，王門行看曳長裾。

次韻李德載見寄

頭顱幸獲免姦鋒，甘分江湖守釣蓬。老得一州聊自慰，相望千里與誰同。已欣臺省登羣俊，猶數湖湘卧病翁。元註謂二蘇公來書云及詩就醉餘頻走筆，待觀雲海戲

科斗詁古文尚書

羣鴻
自煇次韻陳師道無已見寄
故人南北歎乖離忽把清詩慰所思
松茂雪霜無改色雞鳴風雨不愆時
著書子已通科斗竊食吾方逐鷺斯
便欲去為林下友懶隨年少樂新知
師道曾作尚書傳故云
寒代祖父次韻酬羅君寶見贈
廖用中無計策手談畱客漫機關
靜思往事千年上俯歎勞生一夢間
多謝光臨無別意為聞流水與高山

廖剛字用中南劍州順昌人崇寧五年進士仕至尚書方曾大母八九十時陳了翁為其世綵堂詩後達高廟乙覽此代祖父次韻

細潤有集曰高峰

寄靈仙觀舒職方學士

楊文公

綠髮郎潛不記年却尋丹竈味靈篇
華陰學霧還成市彭澤橫琴豈要絃
曉案祇因食沆瀣夜灘誰見弄潺湲
須知吏隱金門客待乞刀圭作地仙

又

錢思公

方瞳玄髮粉為郎絳闕齋心奉紫皇
徵士高懷雲在嶺騷人秋思水周堂
閒園露草開三徑靈宇華燈燭九光
知有美田堪種玉幾時春渚逐歸艎

寄贈類
卷四十一
寄贈類

又次賦官美田賦感正然和者劉子儀

石渠仙署久離羣。抗跡丹臺世絕倫。揚子不甘嘲
尚白漆園終許自全真。紫煙深處鸞雙舞。朱髓成
來鳥共伸。若向雲中見雞犬。可能渾望姓劉人。

答內翰學士劉金門卷林子八舒雅

清貴無過近侍臣。多情猶隱舊交親。金蓮燭下裁
詩句。麟角峰前寄隱淪。和氣忽飄燕谷暖。好風隨
起謝庭春。緘藏便是山家寶。留與兒孫世不貧。

寄荆南故人 章冠之

餘生自拚一虛舟。未害尋詩慰客愁。梅欲飄零猶

醞藉柳纔依約已風流。關心弟妹無黃犬。入夢江
湖有白鷗。別後故人相念否。東風應倚仲宣樓。

和趙宣二首 胡明仲

徧游南北與西東。欲訪人間國士風。處世甚疎皆
笑我。宅心無累獨竒公。詩才自媿非三上。酒聖相
從又一中。芍藥待開應且住。莫令清賞轉頭空。
冠月裾雲佩綠霞。百年將此送生涯。愁心別後無
詩草。病眼燈前有醉花。落筆擅場聊寫意。背山臨
水遂成家。也須南畝多栽秫。休似東陵只種瓜。

致堂先生大手筆讀史管見崇正辨之餘成此詩耳

藏書 卷四十一 寄贈類 七

笑已年出青蓮詩
去字活別存曰

贈胡衡仲

楊誠齋

風騷堂上徑雄趨不作俳辭笑已平紙落煙雲春
醉旭氣含蔬筍薄僧殊夜來霜月千家滿雨後風
埃半點無安得與君幽討去一觴一詠惱西湖

當改以用
二僧事也

嚴州贈姜梅山

陸放翁

故人玉骨已生苔謂南
澗公晚與君游亦樂哉湖寺繫舟
無夢去京塵馳騎有詩來醉中不敢教兒誦看處
常須盥手開彈壓風光須健筆相期力斡萬鈞回

放翁為嚴州姜特立在婺以
詩寄之故有此作五六佳

寄姜梅山雷字詩

章臺官柳映宮槐寶馬蹄輕不動埃只怪好詩無
與敵誰知古學有從來江山常逐客帆遠歲月不
禁衙鼓催剩約東隣投淨社高情千載友宗雷

三四乃教人作詩之法不
可強擬必有本者如是

和陸放翁見寄

姜梅山

遙知三徑長荒苔解組東歸亦快哉津岸紛紛羣
吏去船頭袞袞好山來平時佳客應相過勝日清
樽想屢開若許詩篇數還往直須共挽古風回

此姜特立答和放翁詩
三四佳陸集並無姜詩

和陸郎中放翁

午庭風雨撼高槐一洗城頭十丈埃老子坐間尋
句好故人門外寄詩來勁鋒久服穿楊妙鈍思深
慚擊鉢催清佩左符君未可要聽吟思發春雷

此放翁為禮部
時倡和詩也

寄汪尚書

五十年間歎濶疎相忘兩地復江湖書來筆底驚
強健詩去吟邊想步趨好對青山看歌舞莫嫌紅
粉笑髭鬚鳳毛已有哦松韻尚記金華舊範模

五六出奇
不可束縛

茅子向孝者山

和姜梅山見寄

汪大猷

投分雖深迹却疎君居東婺我西湖兒曹方喜承
毛檄父執應容效鯉趨慨念舊遊多宿草舊同官六
十餘人今
唯大猷與
公獨存僅餘二老見霜鬚詩來喚起相思夢又向

梅山得楷模

此尚書汪公酬姜
之詩五六亦老筆

答山谷先生

高子勉

四篇詩得裏蹄金妙旨初臨法語尋要我盡除兒
子氣知公全用老婆心平章許事真難可付囑斯
文豈易任感激面東垂涕泗高山從此少知音

高荷子勉江陵人五言律三十韻贊見山谷中有曰蜀天何處盡
巴月幾回彎點檢金闈彥飄零玉筍班尚全宗廟器猶隔鬼門關
山谷賞之遂知名和山谷六言皆佳蠟梅絕句尤奇和王子予章
華碑有云威強九鼎懼喪亂一臺成亦可喜後知涿州卒詩入江
西派芍藥詩云勃興連穀雨閨位次花王春盡詩云佳人鬪草
百稚子擊毬雙謁馬中玉云辨雖豪白馬讒亦困青蠅皆可取

寄文潛無咎少游三學士 陳后山

北來消息不真傳南度相忘更記年湖海一舟須
此老蓬瀛方丈自非仙數臨黃卷聊遮眼穩上青
雲小着鞭李杜齊名吾豈敢晚風無樹不鳴蟬

元祐初晁張俱召試入館后山於二年四月始得官故進二公於
富貴而猶欲其驟進也青雲小着鞭本白樂天贈乃兄詩語也

寄秦州曾侍郎 子開

八年門第故違離千里河山費夢思淮海風濤真

有道麒麟圖畫豈無時今朝有客傳何尹是處逢
人說項斯三徑未成心已具世間惟有白鷗知

寄侍讀蘇尚書

六月西湖早得秋二年歸思與遲留一時賓客餘
枚叟在處兒童說細侯經國向來須老手有懷何
必到壺頭遙知丹地開黃卷解記清波沒白鷗

此規東坡以進用不已恐必有後患也乃是穎州召入時後又有
寄送定州蘇尚書詩亦云海道無違具一舟君子愛人以德如此

贈田從先

衣冠魯國動成羣憂患相從只有君落筆如流寧
蹈襲行前應敵却紛紜愧非伏老成和伯喜有侯

芭守子雲意氣有餘工用少相忘千里定能勤

晚唐詩諱用事然前輩善作詩者必善於用事此於師弟子間引兩事用之有何不可

贈王聿修商子常

欲作新詩挑兩公含毫不下思無窮貪逢大敵能無懼強畫修眉每未工長病忍狂妨痛飲晚雲朝雨滯晴空正須好句留春住可使風飄萬點紅

能字每字乃是以虛字為眼非此二字精神安在善吟詠古詩者只點撥一二好字高唱起而知其用力着意之地矣

贈漳州守綦叔厚

陳簡齋

過盡蠻荒興復新漳州畫戟擁詩人十年去國九行旅萬里逢公一欠伸王粲登樓還感慨紀瞻赴

召欲逡巡繩床相對有今日賸醉齋中軟脚春

寄德升大光

君王優詔起羣公也寘樵夫尺一中易着青衫隨世事難將白髮犯秋風共談太極非無意能繫蒼生本不同却倚紫陽千丈嶺遙瞻黃鵠九霄東

鵝湖示同志

陸九齡

孩提知愛長知欽古聖相傳只此心大抵有基方築室未聞無址可成岑留情傳注翻榛塞着意精微轉陸沉珍重友朋勤切琢須知至樂在於今

復齋先生陸公九齡字子壽撫州金谿人父賀生六子公居第五乾道四年由太學第進士初授桂陽教改興國教以憂去尋調全

州教未上卒淳熙七年九月也年四十九其生紹興四年甲寅少文公四歲文集共有詩十一首云

和鷺湖教授韻 陸子靜

墟墓興哀宗廟欽斯人千古不磨心涓流積至滄
溟水拳石崇成太華岑易簡工夫終久大支離事
業竟浮沉欲知自下升高處真偽先須辨只今

象山先生陸公九淵字子靜行居第六乾道八年進士東萊呂成公為考官實識其文初授靖安簿丁憂再調崇安簿擢國子正勅令所刪定官將作監丞後省疏駁與祠光宗初除知荆門軍紹興二年九月至郡三年十二月卒年五十四其生紹興九年己未少文公九歲。文集共有詩二十三首本集及朱文公年譜末句並作真偽先須辨只今鄭景龍江湖詩續選作真偽先須辨古今恐當以集本為正。按陸氏兄弟之學在求其本心而已人之本心善無不善其所以不善者非本心也孟子之說亦如此故子壽詩起句云狹提知愛長知欽古聖相傳只此心子靜亦云墟墓興哀宗廟欽斯人千古不磨心此皆指其心之本然者以示人也然聖

賢所言正心養心存心操心於以維持防閑夫此心者非一端也是故大學以致知格物在誠意之先而誠意又在乎正心之先心之所以必得其正者其道由此而陸氏兄弟徑去此一段不復於此教人用力特以為一悟本心而可以為聖賢今日愚夫也而一趨直入悟此心之本善則堯舜在是矣故吾朱文公非之不以二陸為然

次韻 朱文公

德義風流夙所欽別離三載更關心偶扶藜杖出
寒谷又枉籃輿度遠岑舊學商量加邃密新知培
養轉深沉却愁說到無言處不信人間有古今

朱文公徽州婺源人父松吏部郎官季父樞樞以建炎四年庚戌九月甲戌生於尤溪慶元六年庚申三月甲子卒年七十一十一月葬建陽縣唐石大林谷壻黃榦為行狀門人李方子為編年至蔡謨為年譜益詳。按年譜淳熙二年乙未夏五月東萊呂公來訪講學於寒泉精舍留止旬日饒東萊至鷺湖陸九齡子壽九淵子靜劉清之子澄來會相與講其所聞二陸俱執已見不合而罷

○又曰鷺湖辨論今無所考按是時子壽有詩云云文公和云云子靜和云云以詩觀之則學之同異亦可見矣其後子壽頗悔其非而子靜則終身守其說不變○按淳熙乙未朱文公年四十六歲陸子壽四十二歲子靜三十七歲東萊三十九歲劉子澄侯攷子靜是時以年少英銳之氣肆其唐突兄弟二詩詞意皆頗不遜公然詆文公為榛塞陸沉又曰支離事業竟浮沉而文公和之詞意渾厚以邃密深沉獎借之冀其自悟而二陸根本禪佛之學不能從也又子壽詩題云鷺湖示同志且文公年為二陸之長仕宦輩行蓋亦在先而云示同志亦可謂僭而不謙矣此事天下後世知二陸之非而江西學者相與掩諱是不可不拈出垂世此乃吾道學問一大機括也○二陸自不當以詩人責之二詩三四止是一意詩家之所不取非如三百五篇言之不足故詠歌之一意而三申者也

寄趙昌父

劉後村

世上久無遺逸禮此翁白首不彈冠
一生官職監南嶽四海詩盟主
玉山經歲著書人少見有時入

郭俗爭看何因樵服供薪水得附高名野史間

寄韓仲止

昨仕京華豪未減脫鞵不問貴游嗔詩家爭欲推
盟主丞相差教作散人閉戶自為千載計入山又
忍十年貧幾思投老從公去背笈携琴澗水春

贈陳起

陳侯生長紛華地却似芸香自沐薰鍊句豈非林
處士鬻書莫是穆叅軍雨簷兀坐忘春去雪屋清
談至夜分何日我閒君閉肆扁舟同泛北山雲

此所謂賣書陳彥才亦曰陳道人寶慶初以秋雨梧桐皇子府春風楊柳相公橋詩為史彌遠所黥詩禍之興捕教器之劉潛夫等

下大理獄鄭清之在瑣闥止之予及識此老
屢造其肆別有小陳道人亦為賈似道編管

瀛奎律髓卷之四十二

瀛奎律髓卷之四十三

宋紫陽方虛谷先生選

遷謫類

遷客流人之作唐詩中多有之伯奇擯屈
原放處人倫之不幸也或實有咎責而獻
靖省循或非其罪而安之若命惟東坡之
黃州惠州儋州尤偉云

五言 二十首

初到黃梅臨江驛

宋之問

馬上逢寒食途中屬暮春可憐江浦望不見洛陽

人北極懷明主南溟作逐臣故園腸斷處日夜柳條新

之問之為人不足道也然唐律詩起於之問與沈佺期此詩貶龍州參軍時所作坐媚張易之事而敗其早發韶州律詩有云珠厓天外郡銅柱海南標日夜晴明少冬春霧雨饒身經山火熱顏入瘴江銷觸景含沙怒逢人毒草搖霧濃看袂濕風颺覺船飄又如發藤州云雲峰刻不似苔壁畫難成霧裏千花氣泉和萬籟聲戀結之蘭砌悲纏梧檟瑩如發端州云人意長懷北江行日向西破顏看鵲喜拭淚聽猿啼如失意潛行蠱猜顏輟報讐如吳將水為國楚用火耕田皆佳此篇北極南溟一聯老杜北關心長戀西江首獨回亦何以異乎乃知以言語文字取人工則工矣又當觀其人之心行為如何之問後逃還為考功復以醜行貶越州長史流欽州賜死桂州故曰其為人不足道也

寄遷客

張祐

萬里南遷客辛勤嶺路遙溪行防水弩野店避山

魍瘴海須求藥貪泉莫舉瓢但能堅志義白日甚昭昭

寄流人

項斯

毒草不曾枯長流客健無霧開蠻市合船散海城孤象跡頻驚水龍涎遠閉珠家人秦地老泣對日南圖

送流人

司空曙

聞說南中事悲君重竄身山邨楓子鬼江廟石郎神童稚留荒宅圖書托故人青門好風景為爾一沾巾

送流人

王建

且說長沙去無親亦共愁陰雲鬼門夜寒雨瘴江
秋水國山魃引蠻鄉洞主留漸看歸處遠垂白住
炎洲

送人流雷州

楊衡

逐客指天涯人間此路賒地圖經大庾水驛過長
沙臘月雷州雨秋風桂嶺花不知荒徼外何處有
人家

此五首大抵相似唐人之所長而宋人多不為之
惟梅聖俞集有此調度多是作送人之官詩耳

遷客

張司業

去去遠遷客瘴中衰病身青山無限路白首不歸
人海國戰騎象蠻州市用銀一家分幾歲誰見日
南春

唐人有長流者恐此亦是
寓言無其人而立此題

獨向長城北黃雲暗塞天流名屬邊將舊業作公
田擁雪添軍壘收冰當井泉知君住應老須記別
鄉年

此乃沒家資配邊戍
者果有之亦可憐

黔中書事

竇羣

萬事非京國千山擁麗譙佩刀看日晒賜馬傍江

唐詩用銀用不
錢第少句可考

調言語多重譯壺觴每獨謔
公流如着翅不敢問
歸橈

竇羣字丹列德宗時布衣召除右拾遺憲宗時以御史中丞舉職
太過出觀察黔中此乃左遷時詩也尾句尤佳江流雖遠而不敢
言歸云

謫至干越亭作
劉長卿

天南愁望絕亭上柳條新
落日獨歸鳥孤舟何處
人生涯投越徼世業陷胡塵
杳杳鍾陵暮悠悠番
水春秦臺悲白首楚澤怨青蘋
草色迷征路鶯聲
傍逐臣獨醒翻引笑
直道不容身得罪風霜苦全
生天地仁青山數行淚
滄海一窮鱗牢落機心盡

唯應鷗鳥親

此詩所賦四聯可賞而得罪風霜苦全生天地仁尤佳長卿
詩謂之五言長城世稱劉隨州然不及老杜處以時有偏枯

月下呈張秀才

自古悲搖落誰家奈此何
夜蜚偏傍枕寒鳥數移
柯向老三年謫當秋百感多
貧家唯有月空愧子
猷過

此遷謫中作
八句皆有味

北歸次秋浦界清溪館

萬里猿啼斷孤邨客暫依
雁過彭蠡暮人向宛陵
稀舊路青山在餘生白首歸
漸知行近北不見鷓

鳴飛

首二句一作萬古啼
後後孤城落日依

末句最新此公詩淡而有
味但時不偶或有一苦句

送客南遷

白樂天

我說南中事君應不願聽
曾經身困苦不覺語下
寧燒處愁雲夢波時憶洞庭
春畚煙勃勃秋瘴霧
冥冥蚊蚋經冬活魚龍欲雨腥
水蟲能射影山鬼
解藏形穴掉巴蛇尾林飄鳩鳥
鷓鴣颺風千里黑
蕪草四時青客似驚弦雁舟如委浪萍
誰人勸言笑
何計慰漂零慎勿琴離膝
長須酒滿瓶大都從此
去宜醉不宜醒

二千舖叙元白
擅長在此

此詩收入東坡集

樂天一貶江州司馬移忠州刺史後歸朝為中書舍人出知杭州
召復為蘇州未嘗遠貶其始借此為題以誇筆端之富妙於鋪叙
南土風景歟微之相與倡和尤長於斯予所選
五言律止於十韻惟此至十二韻亦破例也

戲題巫山縣用杜子美韻

黃山谷

巴俗深畱客吳儂但憶歸
直知難共語不是故相
違東縣聞銅臭江陵換袂衣
丁寧巫峽雨慎莫暗
朝暉

山谷以紹聖元年甲戌朝旨於開封府界居住取會史事二年乙
亥謫黔州實甲戌十二月之命是年四月二十三至摩圍元符元
年戊寅六月改元去年紹聖四年丁丑十二月避使者張向嫌移
戎州今年六月至夔道三年庚辰正月徽廟登極五月得鄂州監
鹽十月寧國僉判十二月離戎州建中靖國元年辛巳至峽州乃
後始有舒州之命吏郎之召改知太平州等事蓋流離跋涉八年
矣未嘗有一詩及於遷謫真天人也此出峽詩起句有石本作巴
俗殊親我吳儂但憶歸細味則改本為佳直知難共語不是故相

蘇東坡集

卷四十三

五

遠此老杜句法巴人相留非不用情奈不可與語所以去之此有深意東縣聞銅臭者蜀人用鐵錢過巫山始用銅錢山谷舊改此句謂乃退之照壁喜見蝎之意予以為即班超生入玉門關之意也江陵換袂衣紀時序亦見天氣漸佳尾句殊工有憂時之意建中改紀熙豐之黨不樂想是已見萌芽必亦有所深指謂不可以雲雨蔽太陽也學老杜詩當學山谷詩又當知山谷所以處遷謫而浩然於去來者非但學詩而已

十二月十九日夜中發鄂渚曉泊漢陽親舊載酒追送聊為短句

接浙報官府敢為王事程宵征江夏縣睡起漢陽城隣里煩追送杯盤瀉濁清祗應瘴鄉老難答故人情

建中靖國元年辛巳夏山谷至江陵召至吏部即病癱不能入朝乞知太平州崇寧元年壬午春還江西六月初九日太平州到任

九日而罷九月至鄂渚寓居二年癸未以荆南作承天塔記運判陳舉承望趙挺之風旨摘謂幸災除名編隸宜州十二月十九日啓行此詩亦無一毫不滿之意而老筆與少陵詩無以異矣。試通前詩論之直知難其語不是故相違即老杜詩直知騎馬滑故作泛舟回也凡為詩非五字七字皆實之為難全不必實而虛字有力之為難紅入桃花嫩青歸柳葉新以入字歸字為眼凍泉依細石晴雪落長松以依字落字為眼欒柳枝弱枇杷樹樹香以弱字香字為眼凡唐人皆如此賈島尤精所謂敲門推門爭精微於一字之間是也然詩法但止於是乎惟晚唐詩家不悟蓋有入句皆景每句中下一工字以為至矣而詩全無味所以詩家不專用實句實字而或以虛為句句之中以虛字為工天下之至難也后山曰欲行天下獨信有俗間疑欲行信有四字是工處刺欲論奇字終能諱秘方刺欲終能四字是工處簡齋曰使知臨難日猶有不欺臣使知猶有四字是工處他皆倣此且如此首宵征江夏縣睡起漢陽城又與氣蒸雲夢澤波動岳陽城不同蓋宵征睡起四字應接浙之意聞命赴貶不敢緩也與老杜下牀高數尺倚杖沒中洲句法一同詳論及此後學者當知之

懷遠

陳后山

海外三年謫天南萬里行生前只為累身後更須
名未有平安報空懷故舊情斯人有如此無復涕
縱橫

東坡以紹聖四年丁丑謫儋州至元符二年己卯三年矣生前以
名為累故至此豈復要死後名乎無復涕縱橫謂涕已為公竭也

宿深明閣二首

窈窕深明閣晴寒是去年老將災疾至人與歲時
遷默坐元如在孤燈共不眠暮年身萬里賴有故
人憐

縹緲金華伯人間第一人劇談連晝夜應俗費精
神時要平安報反愁消息真牆根霜下草又作一

番新

山谷修神宗實錄蓋皆直筆紹聖初蔡卞惡其書王安石事摘謂
失實召至陳留問狀寓佛寺題曰深明閣尋謫居黔州紹聖三年
后山省龐丞相墓至陳留宿是閣有此詩暮年身萬里賴有故人
憐謂山谷至黔州守曹譜伯遠倅張煥茂宗皆善待之牆根霜下
草又作一番新
謂紹聖小人也

次韻無斃偶作

此老三年別何時萬里回更無南去雁猶見北枝
開會有哀籠鳥寧須溺死灰聖朝無棄物與子賦
歸哉

此懷東坡也坡
在儋耳三年矣

獨坐

任伯雨

得喪榮枯事悠悠過耳風此身猶是幻何物不為
空酒聖心常醉詩窮語更工小軒搔首坐斜日滿
牕紅

伯雨字德翁眉州人元符諫官坐論蔡卞等謫儋耳有海外詩曰乘桴集此公鐵人詩其餘事然此首句句工夫

七言 三十九首

送王李二少府貶潭峽

高適

嗟君此別意何如駐馬銜杯問謫居巫峽啼猿數
行淚衡陽歸雁幾封書青楓江上秋天遠白帝城
邊古木疎聖代只今多雨露暫時分手莫躊躇

兩謫客李峽中王長沙中四句指土俗所尚末句開以早還亦一體也

送鄭十八虔貶台州司戶叅軍傷其臨老陷
賊之故闕為面別情見於詩 杜工部

鄭公樗散鬢如絲酒後嘗稱老畫師萬里傷心巖
譴印百年垂死中興時蒼惶已就長途往邂逅無
端出餞遲便與先生應永訣九重泉路盡交期

工部又有題鄭十八著作主人詩七言八韻起句云台州地瀾海冥冥雲水長和島嶼青尾句云窮巷悄然車馬絕案頭乾死讀書螢尤為哀痛今此選七言律過六韻者不收五言律至十韻而止蓋長篇太多則讀者頗難精也。按唐史鄭虔無表字貶後數年死老杜度其終無量移之命故詩云云

左遷至藍關示姪孫湘

韓昌黎

一封朝奏九重天夕貶潮州路八千欲為聖朝除

弊事肯將衰朽惜殘年雲橫秦嶺家何在雪擁藍
關馬不前知汝遠來應有意好收吾骨瘴江邊

人多諱死時謂有讖昌黎自謂必
死潮州明年量移袁州尋爾還朝

次鄧州界

潮陽南去倍長沙戀闕那堪又憶家心訝愁來惟
貯火眼知別後自添花商顏暮雪逢人少鄧鄙春
泥見驛賒早晚王師收海嶽普將雷雨發萌芽

元和十四年己亥春正月以佛骨事謫潮州三月二十五日到任
其秋七月憲宗加號大赦十月二十四日量移袁州刺史唐左降
官聞命即日上道未
能携家故有此詩

衡陽與夢得分路別贈

柳子厚

十年顛顛到秦京誰料翻為嶺外行伏波故道風
煙在翁仲遺墟草木平直以疎慵招物議休將文
字占時名今朝不用臨河別垂淚千行便濯纓

柳子厚永貞元年乙酉自禮部員外郎謫永州司馬年二十三矣
是時未有詩元和十年乙未詔追赴都三月出為柳州刺史劉夢
得同貶朗州司馬同召又同出為連州刺史二人者黨王叔文得
罪又才高衆頗忌之憲宗深不悅此二人疎慵招物議既不自反
尾句又何其哀也其不遠到可覘
夢得乃特老壽後世亦鄙其人云

別舍弟宗一

零落殘魂倍黯然雙垂別淚越江邊一身去國六
千里萬死投荒十二年桂嶺瘴來雲似墨洞庭春
盡水如天欲知此後相思夢長在荆門郢樹煙

此乃到柳州後其弟歸漢郢間作此為別投荒十二年其句哀
矣然自取之也為太守尚怨如此非大富貴不滿願亦躁矣哉

再受連州至衡陽酬贈別 劉夢得

去國十年同赴召。湘江千里又分岐。重臨事異黃
丞相。三黜名慚柳士師。歸目併隨回雁盡。愁腸正
遇斷猿時。桂江東過連山下。相望長吟有所思。

說見子厚詩下
柳士師事甚切

江湖秋思

司空曙

趨陪禁掖雁行稀。遷放江潭鶴髮垂。素浪遙疑八
漢水。青楓忽似萬年枝。嵩南春遍傷魂夢。湖口雲
深隔路岐。共望漢朝多沛澤。蒼蠅早晚得先知。

遷人望歸之
意見乎此

八漢集
作太液

寄韓潮州

賈浪仙

此心曾與木蘭舟。直到天南潮水頭。隔嶺篇章來
華岳。出關書信過瀧流。峰懸驛路殘雲斷。海浸城
根老樹秋。一夕瘴烟風掩盡。月明初上浪西樓。

初到江州

白樂天

潯陽欲到思無窮。庾亮樓南湓口東。樹木凋疎山
雨後。人家低濕水煙中。菰蔣餵馬行無加。蘆荻編
房卧有風。遙見朱輪來出郭。相勤勞動使君公。

樂天元和十年乙未貶
江州司馬年四十四

東白詔太守出
相迎

初到忠州贈李六

好在天涯李使君，江頭相見日黃昏。吏人生梗都
如鹿，市井疎蕪只抵邨。一隻蘭舫當驛路，百層石
磴上州門。更無平路堪行處，虛度朱輪五馬恩。

元和末自江州司馬移忠州刺史此等
遷謫作太守未為惡也而氣象遽如此

得微之到官後書備知通州之事，悵然有感。

因成四章

來書子細說通州，州在山根峽岸頭。四野千重火
雲合，中心一道瘴江流。蟲蛇白晝攔官道，蚊蚋黃
昏撲郡樓。何罪遣君居此地，天高無處問來由。

匝匝巔山萬仞餘，人家應似甌中居。寅年籬下多
逢虎，亥日沙頭始賣魚。衣斑梅雨長須髮，米澁畬
田不解鉏。努力安心過三考，已曾愁殺李尚書。

元註李實尚書先貶此州身沒於彼處予讀至此乃知古人初無
忌諱元微之貶移通州司馬今蜀之開州也未為甚惡樂天在江
州乃引死人事寄
詩足見前輩直情

人稀地僻醫巫少，夏旱秋霖瘴癘多。老去一身須
愛惜，別來四體得如何。侏儒飽笑東方朔，薏苡讒
憂馬伏波。莫遣沉愁結成病，時時一唱濯纓歌。
通州海內恓惶地，司馬人間冗長官。傷鳥有弦驚
不定，卧龍無水動應難。劍埋獄底誰深掘，松偃霜

中盡冷看舉目爭能不惆悵高車大馬滿長安

酬樂天得微之詩知通州事因成四首

元微之

茅簷屋舍竹籬州虎怕偏蹄蛇兩頭暗盡有時迷
酒影浮塵向日似波流沙含水弩多傷骨田仰畚
刀少用牛知得與君相見否近來魂夢轉悠悠
平地才應一頃餘閭闔都大似巢居入衙官吏聲
疑鳥下峽舟船腹似魚市井無錢論丈尺田疇付
火罷耘鋤此中愁殺須甘分惟惜平生舊著書

元註巴人多在山坡架木為居自號閭闔頭也又元註末句云努力安心過三考已曾愁殺李尚書子病甚將平生所為文題云異

浮塵細如名流之
亦有詩

閑集心閑

日送白二
十二郎也

爰鳥晝飛人少見
佺魂夜嘯虎行多
滿身沙蟲無防處
獨脚山魃不奈何
甘受鬼神侵骨髓
常憂岐路起風波
南歌未有東西分
敢唱滄浪一字歌
荒蕪滿院不能鋤
既有塵埃圃之蔬
定覺身將囚一種
未知生共死何如
飢搖困尾喪家狗
熱暴枯鱗失水魚
苦境萬般君莫問
自憐方寸本空虛

微之為御史以彈劾嚴勵分司東都又劾宰相親故貶江陵士曹
移通州司馬未為大戚樂天以朋友之義傷之則可微之答和乃
全述通州衰惡若不能一朝居者詞雖善而意已陋異日由宦官
進得相位僅三月貽終古羞蓋其本心志在富貴故也四詩往往
酸苦太楚選附
白詩以識其非

四韻詞用唐人
詩之通通格

送唐介之貶所

李誠之

孤忠自許衆不與獨立敢言人所難去國一身輕
似葉高名千古重於山並游英俊顏何厚未死姦
諛骨已寒天為吾皇扶社稷肯教夫子不生還

唐介子方上殿劾宰相文彥博交結張貴妃仁宗震怒子方謫春
州李師中誠之送以此詩係用出入韻未死姦諛骨已寒此句乃
元本也以指文公不無少過或改為已死姦雄骨尚
寒子方劾生宰相於已死姦雄何與故予改從古本

初到黃州

蘇東坡

自笑平生為口忙老來事業轉荒唐長江遠郭知
魚美好竹連山覺筍香逐客不妨員外置詩人例
作水曹郎只慚無補絲毫事尚費官家壓酒囊

東坡元豐二年己未冬責授檢校水部員外郎黃州團練使
本州安置明年二月到郡何遜張籍孟賓三詩人皆水部

八月七月初入贛過惶恐灘

七千里外二毛人十八灘頭一葉身山憶喜歡勞
遠夢地名惶恐泣孤臣長風送客添帆腹積雨浮
舟減石鱗便合與官充水手此生何止略知津

元註蜀道有錯喜懼鋪在大散關上紹聖元年甲
戌東坡自知定州降知英州未到貶惠州安置

十月二日初到惠州

彷彿曾游豈夢中欣然雞犬識新豐吏民驚怪坐
何事父老相携迎此翁蘇武定知還漠北管寧自
欲老遼東嶺南萬戶皆春色會有高人客寓公

去以灘在為安縣前
自東坡改為惶恐以
為喜歡其以文信國
用一以對零丁世道
以黎不改為復移為
多矣

前年四句俱用四字
心量而不覺其板
滯由于氣力厚足
以陶鑄致治也

紹聖元年甲戌

六月二十日夜渡海

參橫斗轉欲三更苦雨終風也解晴雲散月明誰
點綴天空海色本澄清空餘魯叟乘桴意粗識軒
轅奏樂聲九死南荒吾不恨茲游竒絕冠平生

紹聖四年丁丑東坡在惠州年六十二矣五月再謫瓊州別駕昌
化軍安置即儋州也以六月二十日夜渡海七月十三日至儋州
或謂尾句太過無省愆之意殊不然也章子厚蔡卞欲殺之而處
之怡然當此老境無怨無怒以為茲游竒絕真了生死輕得喪天
人也四詩可
一以此意觀

過嶺二首

暫着南冠不到頭却隨北雁與歸休平生不作鬼

江西人以贛江為
南江

東坡自黃州召還
時二與元均兄弟
遊有蓬萊留歲暮

三窟今古何殊貉一丘當日無人送臨賀至今有
廟祀潮州劍關西望七千里乘興真為玉局游
七年來往我何堪又試曹谿一勺甘夢裏似曾遷
海外醉中不覺到江南波生濯足鳴空澗霧繞征
衣滴翠嵐誰遣山雞忽飛起半巖花雨落氈氍

紹聖元年甲戌貶惠州四年丁丑貶儋州明年元符戊寅改元三
年庚辰量移廉州永州自便凡七年楊憑貶臨賀尉惟徐晦送之
此事極切夢裏似曾遷海外此聯甚佳殊不以遷謫為意也是
年坡公年六十五明年建中靖國元年辛巳七月卒於常州

送王元均貶衡州兼寄元龍二首

陳后山

先生英氣蓋區中命與仇謀得老窮又見長身有

江注上未往君家
伯仲間之句其起
後之異時幸修滴
仙人則指平甫也

家法可辭短簿怒吾公石頭路滑行能速宣室歸
來語未終宛洛風塵莫回顧直須留眼送歸鴻
先生秀句滿江東二子緣渠得再窮詩禮向來堪
發冢孫劉能使不為公炎方瘴癘避軒豁故國山
河開始終傳語元龍要相識江湖春動有來鴻

王安國字平甫有校理集百卷行於世尤富於詩曾南豐作序陳
后山作後序神宗召試賜策坐忤呂惠卿引連鄭俠獄以著作佐
郎集賢校理斥元豐初卒年四十七子旒字元均旒字元龍元符
元年看詳訴理所言宣德郎王旂於元祐初進狀稱安國冤抑旂
貶監江寧糧料旋罷京東運判監衡州酒稅后山家居作此詩送
之兩先生字皆指平甫詩禮向來堪發冢以指呂惠卿口先王而
行市人也孫劉能使不為公乃辛晁語吾立身自有本末就與孫
劉不平不過不作三公而已謂孫資劉放后山指謂惠卿之陷平
甫亦不過不作三公耳予友陳杰壽夫嘗謂此詩用事奇妙意至
而詞嚴不為事所束縛詩之第一格也瘴癘避軒豁謂衡陽非瘴

地故國山河謂介甫封荆公衡乃荆州他日終復其始未可知
也國史安國傳不載此事止云子旂有父風此事見舊錄云

次韻答清江主簿趙彥成 黃知命

日轉溪山幾百遭厭聞虎嘯與猿號笙歌忽把二
天酒風雨猶驚三峽濤已作齊民尋要術安能痛
飲讀離騷看君自是青田質清暖當聞徹九臯

黃知命名叔達山谷弟也先是山谷貶黔州未携家紹聖三年丙
子知命自蕪湖携已之子粗山谷之子相及兩所生母五月六日
抵黔州先至施州赴太守張仲猷飲清江即施州城下縣主簿趙
彥成名肯堂嘉州人知命此詩謂忽把二天酒當是與彥成同席
也知命凡二十詩見山谷集或謂經乃兄潤色以成其名然則兄
在貶所弟為携家孝友之道也予先君四府君自廣州謫封州先
叔八府君元圭一至靜江問勞後又至封州取喪
以歸亦山谷之知命也故有所感而取此詩云

歲晚有感 張宛丘

疎梅點點柳毵毵。殘臘新春氣候參。天靜秋鴻來塞北。雲收片月出江南。青霄雨露將回律。白首江湖尚避讒。未信世途無倚伏。有時清鏡理朝鬢。

文潛兩謫黃州其詩每和平而不怨

初到惠州

唐子西

盧橘楊梅乃爾甜。肯容遷謫到眉尖。因行採藥非無得。取足看山未害廉。辨謗若為家一喙。著書不直字三緘。老師補處吾何敢。政謂宗風不敢謙。

大觀四年子西謫惠州乃東坡補處二字出釋書釋迦佛補處如涅槃耆給孤獨曾是佛位之地

收景初貶所書

信斷常懷信斷憂。得書還有得書愁。未應宿業都相似。總為誆聲不肯休。見說胸中卷雲夢。莫將皮裏貯陽秋。迺公有道知興廢。不患無詞詣播州。

次景初見寄韻

此生正坐不知天。豈有豨苓解引年。但覺轉喉都是諱。就令搖尾有誰憐。腰金已付兒童佩。心印當還我輩傳。他日乘車來問道。葦間相顧共延緣。

此皆子西貶所詩皆工甚任景初亦蜀人大觀四年同子西入京師子西貶之明年景初亦謫江左皆數歲未得歸

送胡邦衡之新州貶所二首 王民瞻

一封朝上九重關。是日清都虎豹閒。百辟動容觀

奏牘幾人回首媿朝班名高北斗星辰上身落南
州瘴癘間不待百年公議定漢庭行召賈生還
大厦元非一木支要將獨力拄傾危癡鬼不了公
家事男子要為天下奇當日姦諛皆膽落平生忠
義祇心知端能飽喫新州飯在處江山足護持

王盧溪先生諱庭珪字民瞻廬陵人政和八年登策調茶陵丞以
上官不合去隱盧溪者五十年紹興八年戊午十一月編修胡公
銓字邦衡以和議奏封事乞斬王倫秦檜孫近黜十一年謫新州
盧溪作是詩送之同邑人歐陽炎識遣其里人匡求告詩謗訕送
虎獄送勘盧溪引咎追官送辰州編管時年七十矣檜殂得歸孝
廟立召除國子監簿再召除直敷文閣時年九十餘有盧溪詩集
傳於世楊誠齋作序盧一作瀘胡公謂於民瞻初未識而胡再謫朱
厓檜殂紹興二十六年移衡州又久之始得自便孝廟立召用至
從官資政殿學士張魏公謂秦檜之專權只成就得胡邦衡一人
如盧溪隱節固高因此詩得罪大名愈著夫人不可以為不善造

物者未嘗肯泯沒之又以見夫正人義士之不幸乃國家
之不幸生靈之大不幸也選此詩識中國之所以衰也

雷州和朱彥秀才詩時欲渡海

胡澹菴

何人着眼覩征驂賴有新詩作指南螺髻層層明
晚照蜃樓隱隱倚晴嵐仲連蹈海徒虛語魯叟乘
桴亦謾談爭似澹菴乘興往銀山千盞酒微醺

紹興十八年戊辰十一月十五日新州編管人胡銓移吉陽軍
編管先是廣東經畧使王鈇問知新州張棣曰胡銓何故未過
海銓嘗賦詞云欲駕中車歸去有豺狼當轍棣奏銓倡和毀謗
而有是命棣選使臣游崇部送封小項筒過海銓徒步赴貶人
皆憐之至雷州守臣王趨捕游崇私茗械治厚餉銓趨後亦得
罪澹菴此詩不少屈撓真鉄漢又過於劉器之云丙子年始移

衡州

和李參政泰發送行韻

落網端從一念差。嵯州前定復何嗟。萬山行盡逢
黎母，雙井渾疑到若耶。山鬼可人曾入夢，相君談
易更名家。此行所得誠多矣，更願從公北泛槎。

元註李參政詩云：夢裏分明見黎母，生前定合到朱嵯。蓋予嘗在新州，夢一媪立牀前曰：吾黎母也。黎姑山在瓊嵯，儋萬之間。子瞻所謂四山環一島是也。先是秦檜大書三人姓名於其家格天閣下，曰趙鼎、李光、胡銓，所必欲殺者也。鼎謫瓊州，紹興十七年丁卯卒。光字泰發，上虞人，時謫儋州。澹菴朱嵯之行經過儋州，故泰發以詩送之。澹菴夙有黎母之夢，付諸前定。如謫新州時亦謂前定。福唐幕中分扇得一畫騎驢人，西南行者，後新州之命亦若暗合。夫不以遷謫介意而付之於分，非達人不能也。

次李參政送行韻答黃舜楊

打成大錯一毫差，萬里去尋留子嗟。微管閒思齊

仲父賜奴長價漢，渾邪道窮怜我空。憂國句好知
君定作家，便欲相携起帆飽。要觀子美賦靈槎。

齊仲父漢渾邪，此澹菴心事也。不以秦檜講和為然，流離顛沛之死不變。今秦氏安在而澹菴之忠肝義膽萬古不朽也。識此詩以見張魏公之貶，岳武穆之死，趙李胡三公海外之竄，南渡之業所以不復再振而至於厭厭無氣，愈弱愈下者，誰實為之。此非常之痛，無窮之悲，不但為二三君子，悵然也。

李泰發參政得旨自便將歸以詩迓之

曾茶山

苦遭前政墮危機，二十餘年詠式微。天上謫仙皆
欲殺海濱大老，竟來歸故園松菊猶存否。舊日人
民果是非，最小郎君今弱冠。別時聞道不勝衣。

元註謂孫壻文授。秦檜謫三大賢於海外。趙丞相鼎李叅政光胡編修銜又書其姓名於格天閣下。必欲殺之。趙先歿李胡皆生還。此詩第二句悲愴三四切題。

羸奎律髓卷之四十三

曾茶山

李太白發參知政事自自野語以語之
二三
...

羸奎律髓卷之四十四

宋紫陽方虛谷先生選

疾病類

疾病呻吟人之所必有也白樂天有云劉公幹卧病瘴浦謝康樂卧病臨川咸有篇章蓋娛憂紓怨尤足以見士君子之操焉

五言 二十五首

耳聾

杜工部

生年鵬冠子歎世鹿皮翁眼復幾時瞠耳從前月
聾猿鳴秋淚缺雀噪晚愁空黃落驚山樹呼兒問

效改既

羸奎律髓

卷之四十四 疾病類

七

朔風

此詩足見遊戲翰墨後四句俱謂耳全無聞猿鳴雀噪既不聞矣而朔風吹落木葉亦不之聞至呼兒以問之予謂果真聾矣兒所答又何聞乎史記謂豫讓吞炭為啞然請趙襄子之衣三斬之未嘗啞也

老病

老病巫山裏稽留楚客中藥殘他日裏花發去年叢夜足露沙雨春多逆水風合分雙賜筆猶作一

飄蓬

老杜詩一句說病者極多兩三句說病者如高秋蘇肺氣白髮自能梳藥餌增加戒門庭問掃除第二句最妙昔者之病頭亦不自能梳今始自能梳頭也杖藜還客拜又以見病愈已能答拜但仍須倚杖耳所以老杜詩虛實字皆當細細審看今所取一首尤見圓活而峭拔

初病風

白樂天

六十八衰翁乘衰百藥攻朽株難免蠹空穴易來風肘痺宜生柳頭旋劇轉蓬恬然不動處虛白在胸中

三百篇中可記此
而此也此學如此
者鮮矣

開成四年己未十月樂天得風痺疾時年六十八蓋以代宗大曆八年生也是年壬子有病中詩十五首自序云爾此詩長慶集三十五卷多為病而作賣駱馬別柳枝皆在是年

病入新正

枕上驚新歲花前念舊歡是身老所逼非意病相平風月情猶在杯觴興又闌便休心未伏更試一春看

蘇詩集

卷四十四 疾病類

七

病入新正則開成
庚申年六十九也

卧病來早晚

卧病來早晚懸懸將十旬
婢能尋藥草犬不吠
醫人酒甕全生醖歌筵半委塵
風光還欲好爭向枕前春

樂天病將十旬此乃真患風痺與蘇州移疾告病百日而罷不同也婢能尋藥草犬不吠醫人此聯絕妙

病瘡

門有醫來往庭無客送迎
病銷談笑興老足歎嗟
聲鶴伴臨池立人扶下砌行
脚瘡春斷酒那得有心情

平正無疵但頗未易及也

墜馬強出贈同座

足傷遭馬墜腰重倩人擡
祇合牕間卧何因花下來
坐依桃葉妓行呷地黃杯
強出非他意乘風落盡梅

傷足而猶勉強看梅可知是詩人多魔

病中一二禪客見問因以謝之

劉賓客

勞動諸禪客同來問病夫
添鑪擣雞舌洒水淨龍鬚
身是芭蕉喻行須筇杖扶
醫工有妙藥能乞一

九無

雞舌香龍鬚席各去一字便佳

聞董評事病因以書贈

董生奉內典

繁露傳家學青蓮譯梵書
火風垂四大文字廢三
餘欹枕晝眠晚折巾秋鬢疎
武皇恩視草誰許茂
陵居

末句謂相如病渴似亦戲之

卧病走筆酬韓愈書問

賈浪仙

一卧三四旬數書惟獨君
願為出海印不作歸山
雲身上衣裳與甌中物亦分
欲知强健否病鶴未

離羣

五六可怜其所以感昌黎者至矣起句尤見退之高謚賢哉賓主間也

春日卧疾書情

劉商

楚客經年病孤舟人事稀
晚晴江柳變春暮塞鴻
歸今日方知命前年自覺非
不能憂歲計無限故
山薇

知命覺非四字細潤尾句脫洒

嶺下卧疾寄劉長卿員外

包佶

唯有貧兼病能令親愛疎
歲時供放逐身世付空
虛脛弱秋添絮頭風曉廢梳
波瀾喧眾口藜藿靜

吾廬喪馬思開卦占鴉懶發書十年江海客離恨

子知子

信又有風痺寄懷詩甚哀首云病夫將老矣無可答君恩衾枕同
羈客圖書委外孫中云無醫能却老有變是游魂前用喪馬開卦
事此又用游魂變卦事必頗精於易劉長卿答和此詩又云
落日棲鴉鳥行人遠鯉魚稱為包諫議未審坐何事貶嶺下

秋晚卧疾寄司空拾遺盧少府

耿漳

寒几坐空堂疎髯似積霜老醫迷舊疾朽藥誤新
方晚果紅低樹秋苔綠遍牆慚非蔣生徑不敢望
求羊

藥方自佳但藥既陳朽則不
效非方之罪也上一句亦稱

病中感懷

李後主

憔悴年來甚蕭條益自傷風威侵病骨雨氣咽愁
腸夜鼎唯煎藥朝髭半染霜前緣竟何似誰與問
空王

李後主號能詩詞偶承先業據有江南亦僭稱帝數十州之主也
集中多有病詩先有五言律云病態如衰颯厭厭已五年看此詩
真所謂衰颯憔悴豈大風橫汾之比乎宜其凶也或謂此乃已至
大興之後即不然矣七言有云衰顏一病難牽復曉殿君臨頗自
羞又云冷笑秦皇經遠畧靜怡
姬滿苦時巡蓋君臨之時也

病起

陳后山

今日秋風寫何鄉一病翁力微雖杖起心在與誰
同災疾資千悟寃親併一空百年先得老三敗未

為窮

后山詩似杜只此詩亦合細味

病中六首

舊歲連新歲涼牀又暖床山川屏裏畫時刻篆中
香畏壘安吾土支離飽太倉若教身再健鶴背入
維楊

空王

謂閑居自奉且有祠祿樂矣若更不病即揚州鶴也甚佳元題十二首示藻姪可率昆季賡和今取六首

日暖衣猶襲宵長被有稜朝晡三椽飯昏曉一缸
燈伴坐跏如几扶行瘦比藤生緣堪入畫寂寞憇

松僧

軟熟羞盤饌芳辛實枕幃候晴先晒席占濕預烘
衣易粟雞皮皴難培鶴骨肥頭顱雖若此虛白日
生輝

歎息憎晨清伸眉愜晚晴隙虛浮日影窗穴嘯風
聲捫蝨天機動驅蚊我相生偶然成一笑栩栩暫
身輕

日背浮珠珮聲塵籟玉簫晚秋潘鬢禿午夢楚魂
消注水瓶花醒吹薪藥鼎潮南柯何處是斜日上
廊腰

靜裏秋先到閒中晝自長閉門宜泄柳尸祝謾庚

少身試藥方冒險甚矣
語狂有致易云天妄
華石可試也試字以中

桑腹已枵經笥身猶試藥方強名今日愈勃率負
東牆

六詩每首有一二聯工而雅正其病也非貧者之病蓋猶有貴人之風焉

病中作 陸放翁

破裘縫更暖糲食美無餘摩詰病說法虞卿窮著
書身羸支枕久足蹇下堂疎今日晴窗好幽懷得
細攄

三四
渾成

卧病雜題 五首取二

終日常辭客經年半在牀愛窮留作伴諳病與相

忘竈婢工烹粥園丁習寫方今朝有奇事久雨得
窗光

元註久病家人作粥遂佳蓋朝夕常為之也又有山僕本不識字因以合藥遂能寫藥方類大編子謂白樂天婢能尋藥草犬不吠醫人放翁此聯亦近之久雨得窗光尤為佳句經年亦作經秋

人間跛男子物外病維摩 元註病中遂 可但妨趨拜何

因廢嘯歌菜羹醯醬薄邨巷棘茨多舉手謝隣父
非君誰肯過

五六女淡有味此放翁八十一歲時詩

病中示兒輩

去去生方遠冥冥死即休狂思攘鬼手危至服丹

蘇詩律譜

卷四十四 疾病類

頭有劍知誰與無香可得留惟應勤孝謹事事鑑
恬侯

此放翁 勿筭前倒數第三詩也其臨終之詩曰死去元知萬事空
但悲一見九州同王師北定中原日家祭無忘告乃翁嘉定二年
己巳冬也先是臘月五日脫去左車第二牙亦有詩其卒之日候
攷蓋年八十有六生於宣和七年乙巳後生讀此選詩不可以病
為忌死為諱書之洪範曰考終命禮之善頌曰歿於斯
乃人生之終事也得如放翁八十有六者世有幾人哉

七言 二十八首

春盡日宴罷感事獨吟 元註云開成五年三月三十日作

白樂天

五年三月今朝盡客散筵空獨掩扉病與樂天相
伴佐春同樊子一時歸閒聽鶯語移時立思逐楊

此子終不服老

花觸處飛金帶縵腰衫委地年年衰瘦不勝衣

櫻桃樊素口楊柳小蠻腰長慶集中無此詩別柳枝詩云兩枝楊
柳小樓中嫋娜多年伴醉翁明日放歸歸去後世間應不要春風
為病風痺遣二妾故有是作觴詠罷來賓閣閉笙歌散後妓房空
亦病中所賦又明年有詩云去歲樓中別柳枝自註云樊蠻也二
妓者皆以柳
枝目之云

改業

先生老去飲無興居士病來閒有餘猶覺醉吟多
放逸不如禪坐更清虛柘枝紅袖教丸藥羯鼓蒼
頭遣種蔬却被山僧相戲問一時改業意何如

第三句元註子先有醉吟先生
信故云尾句此亦戲笑近人情

眼病二首

姚合律讀

疾病類

紀樹論專治日疾
之書

散亂空中、千片雪、蒙籠物上一重紗、縱逢晴景如
看霧、不覺蒼天亦見花、僧說客塵來眼界、醫言風
眩在肝家、兩頭治療何曾差、藥力微茫佛力賒、
眼藏損傷來已久、病根牢固去應難、醫師盡勸先
停酒、道侶多教早罷官、案上謾鋪龍樹論、合中虛
撚決明丸、人間方藥應無益、爭得金篦試刮看

白體詩不可以陳簡齋目疾詩律律之
然此亦善形容不取其格而取其味

病眼花

頭風目眩乘衰老、祇有增加豈有瘳、花發眼中猶
足怪、柳生肘上亦須休、大窠羅綺看終辨、小字文

書見便愁、必若不能分黑白、却應無悔復無尤

詩律圓熟山谷云閱人朦朧自
有味看字昏澁尤宜懶是也

答竇拾遺卧病見寄

包信

今春扶病移滄海、幾度承恩對白花、送客屢聞簷
外鵲、消愁已辨酒中蛇、瓶收枸杞懸泉水、鼎鍊芙蓉
伏火砂、誤入塵埃牽吏役、羞將簿領到君家

詩欲新而不陳已辨酒中蛇則無疑矣已辨二字
佳事故而意新枸杞懸泉水芙蓉伏火砂亦新

秋居病中

幽居消恨何人到、落日清涼滿樹梢、新句有時愁
裏得、古方無效病來拋、荒簷數蝶懸蛛網、空屋孤

螢入燕巢獨卧南窗秋色晚一庭紅葉掩衡茅

病中書事

李後主

病身堅固道情深宴室清香思自任月照靜居惟
搗藥門扃幽院只來禽庸醫懶聽詞何取小婢將
行力未禁賴問空門知氣味不然煩惱萬塗侵

此詩八句俱有味然不似人
主之作只似貧士大夫詩也

移病還臺凡閱半歲乃愈始到家园視園夫

治畦植花因成自歎

宋景文

卧治無功賜告回驟叨鳴履上中臺病中改八座壺丘天
壤非真死蒙叟軒裳是儻來經灌旱蔬扶隴出失

刊園藥犯簷開此身疎拙真丘壑不是當年王佐
才

病起思歸

王元之

年來多病轉思山終日呻吟簿籍間叔夜養生休
著論陶潛雖死只應閒又移郡印三年調才報君
恩兩鬢斑安得便歸田里去松篁泉石掩柴關

四十為郎非不偶况曾題筆直瀛洲明時遇主誰

甘退白髮受人自合休夢得蹉跎因出郡劉夢得貶
謫為郎四

十餘年薛能詩个耻監州薛許昌詩云
監州是戲儒春來病起思歸甚未

敢飛章達冕旒

元之謫商州團練副使

詩蓋白樂天

臣弱月餘呈子由二首

張宛丘

蔀室悠悠 日復朝強披莊子說逍遙四禪未到風
猶梗九轉無功火不燒學道若為調鹿馬是身不
實似芭蕉丹砂赤箭功何有卧聽清言意自消
風葉鳴窗已復朝喚回歸夢故人遙酒壺暗淡浮
塵集藥鼎青熒敗葉燒閉戶獨依寒蟋蟀移牀更
就兩芭蕉雪深更請安心術長日如年未易消

四禪九轉句佳次篇兩更字
刊本如此恐元葉必不然

病肺對雪

擁庭晴雪照高堂卧病悠悠廢舉觴肺疾僅同園
令渴齒傷不為幼輿狂交飛翠笋知誰醉獨嗅烏
巾認舊香元註漉酒
淵明名也唯有烹茶心未厭故知淡薄味
能長

三四絕佳不為幼輿狂尤新異五六
應二句謂不能飲觴笋二字犯重

晝卧懷陳三時陳三卧疾

睡如飲蜜入蜂房懶似游絲百尺長陋巷誰過居
士疾春風正作國人狂吟詩得瘦由無性辟穀身
輕合有石谷向子桑歸問婦一瓢過午尚懸牆

以問陳后山
警事實客君婦定不然三梳奉巾櫛是也

喜七兄疾愈

淨名居士非病五禽先生能養身家人但訝少
陵觀鄉里不知顏子貧身內故知閒是藥人間誰
有道通神喜聞漸離烏皮几花氣晴來欲逼人

此等詩豈補綴鬪合者能之只如信口說話而他人不能如此信口說也

和黃預病起

陳后山

似聞藥病已投機牛鬪蛇妖頓覺非李賀固知當
得疾沈侯可更不勝衣驚逢白壁山千仞會見黃
金帶十圍只信詩書端作崇孰知糠粃亦能肥

后山詩句句有關鎖字有眼意有脉當細觀之

眼疾

陳簡齋

天公嗔我眼常白故着昏花阿堵中不怪參軍騎
瞎馬但妨中散送飛鴻著籬令惡誰能對損讀方
奇定有功九惱從來是佛種會知那律證圓通

此詩八句而用七事謂詩不在用事者殆胸中無書耳盲人騎瞎馬夜半臨深池此世說殷仲堪參軍所作危語仲堪眇一目適忤之只見門外著籬未見眼中安障此方干令以朝李主簿范甯武子患目痛求方於張湛湛戲謂此方用損讀書一減思慮二專內視三簡外觀四早晚起五夜早眠六凡六物熬以神灰下以氣篋今刊本多誤作損續非也白眼阿堵送飛鴻三事非僻那律事出楞嚴經無目可以證道其要妙在用虛字 翰實事不可不細味也

次韻三元勃問予齒脫

齒危仁以粥充虛幸負公家夏屋渠
元註舊說夏屋大具渠勤也言說大

此平絕不出以抑吏部與子

具其意 歎恐麴生真作崇 可憐髯簿頓成疎 元註炙穀子謂年為
勤勤然 歎恐麴生真作崇 可憐髯簿頓成疎
主簿動松 病韓吏部蹴踏非勤焦 校書落勢今年殊未已 仙應從此併無餘

此當與陳簡齋目疾范石湖耳鳴詩參綜以觀格律相似善用事亦相似但貯胸無奇書落筆無活法則不能耳誰謂江西詩可輕

次韻朱德裕見贈予病初起 周信道

蓋世功名忝一炊 驚心歲月較雙馳 五漿先饋那須爾 二監相陵少避之 種種鬢毛吾欲老 翩翩書劄子能奇 黃花無語秋將暮 莫惜玄談與解頤

周孚字信道濟南人乾道二年進士為儀真教官卒詩本黃六史辛稼軒刊其集曰橐齋集立詳之惜其年不老蓋尚進而未艾

耳鳴

范石湖

東極空歌下始青 西方寶網奏韶英 不須路入兜元國 自有音聞空筏城 牛蟻誰知牀下鬪 雞蠅任向夢中鳴 如今却笑難陀種 無耳何勞強聽聲

二首選一前篇有云夢中鼓響生千偈覺後春聲失百非又云寄語爵陰吞賊道玉牀安穩坐朱衣皆奇博已甚謂能詩者不必讀書不在用事可乎

病足累日不能出掩門折花自娛

陸放翁

頻報 屈指都無三日晴 不奈病何拋酒盞 粗知春

古才用字事未詳所出

一詩一解一篇

在頰為聲一枝自浸銅瓶水喜與年光未隔生

慶元四年戊午詩放翁年七十七第六句絕妙

病愈

倦榻呻吟每自哀占著來吉出餘災自能洗硯拂
書几時亦折花尋酒杯久類寒蛟潛岫穴忽如老
馬噴風埃霜晴爛熳東窗印一笑山坡訪早梅

此亦慶元四年戊午時詩

五月初病體覺愈輕偶書

世事紛紛了不知又逢乳燕麥秋時經年謝客常
因醉三日無詩自怪衰乘雨旋移西嶼藥留燈自

覆北窗棋但將生死俱拈起造物從來是小兒

此慶元五年己未詩放翁時年七十五

小疾兩日而愈

病骨羸然山澤臞故應行路笑形模記書身大似
椰子忍事癭生如瓠壺美酒得錢猶可致高人折
簡孰能呼不如淨掃茅齋地臨看微香起瓦爐

不着行路笑形模一句則引椰子瓠壺兩句不來此足見詩家手段放翁是年八十二開禧二年丙寅也明年而侂冑敗放翁猶健也

病起

趙紫芝

身如瘦鶴冷傷一卧兼旬更有零朝客偶知親
送藥野僧相保密持經力微尚覺衣裳重才退難

蘇東坡詩

卷四十一

病類

微筆呪靈惟有叢花心未已遍分黃菊插空瓶

詩三四上云朝士偶知來送藥野僧相保為持經後乃改下親字密字勿詩法所當然也但更有零三字不佳四靈學姚合賈島詩而不六七言律大率皆也格不高致也

髮脫

劉後村

髮脫紛紛不待爬天將醜怪變妍華論為城旦寧非怒度作沙彌亦自佳稚子笑翁簪柏葉侍人諱老匣菱花霜寒尤要泥丸暖慚愧烏巾着意遮

白樂天陳簡齋之目張文潛曾茶山之齒范石湖之耳加以後村髮禿詩可發一笑然後邨詩不及諸公

問友人病

病來清瘦欲通仙深炷篝香拂地眠野客勸尋廉

雜道但頗近情

藥買外人偷出近詩傳術庸難靠醫求效俗陋多依鬼乞憐鷗鷺如欺行跡少分明溪上占漁船

詩意自足但是格卑

瀛奎律髓卷之四十四

卷首缺
淨又
少五行

瀛奎律髓卷之四十五

宋紫陽方虛谷先生選

感舊類
欠五言併題序

七言

七首

陳阜卿先生為兩浙轉運司考試官時秦丞

相之孫以右文殿修撰來就試直欲首選阜

卿得予文卷擢置第一秦氏大怒予明年既

顯黜心生亦幾陷危機偶秦公薨遂已予晚

歲十又書得先生手帖追感平昔作長句

以識其事不知衰涕之集也
陸放翁

冀北當年浩莫分。一人一顧每空羣。國家科第與
風漢天。一。英雄唯使君。後進何人知。大老橫流無
地寄斯文。一。憐衰鈍。辜真賞。猶竊虛名海內聞。

此謂秦垓也。選此詩以見老
檜之無識。放翁下第以此。

雪夜感舊

江月亭前樺燭香。龍門閣上馱聲長。亂山古驛經
三折。小市孤城宿兩當。晚歲猶思事鞍馬。當時那
信老耕桑。綠沉金鎖俱塵委。雪洒寒燈淚數行。

憶昔

憶昔從戎出渭濱。壺漿馬首泣遺民。夜棲高冢占

星象。晝上巢車望虜塵。共道功名方迫逐。豈知老
病只逡巡。燈前撫卷空流涕。何限人間失意人。

感昔

三着朝冠入上都。黃封頻醉渴相如。馬慵立仗寧
辭斥。蘭偶當門敢怨鋤。富貴尚思還此笏。衰殘故
合愛吾廬。燈前目力依然在。且盡山房萬卷書。
五丈原頭秋色新。當時許國欲忘身。長安之西過
萬里。北斗南惟一。人。往事已如遼海鶴。餘年空
羨葛天。一。月。白羽凋零盡。却照青溪整角巾。

夢蜀

夢飲戈都好事家。以粧執樂雁行斜。赭肩鄂縣千
筒酒照。少百馱花醉帽傾。歌未闕。罰觥激
灑笑方謹。鐘喚覺晨窗白。自怪無端一念差。

體熟
語麗

伏讀二劉公瑞巖留題感事興懷至于隕涕

追次元韻偶成一篇 朱文公

誰將健筆寫崕陰。想見當年抱膝吟。緩帶輕裘成
昨夢。遺風餘烈到如今。西山爽氣看猶在。北闕精
誠直自深。故壘近聞新破竹。起公無路祇傷心。

元註右懷寶忠李公作近聞西兵
進取關陝其帥即公舊部曲也

瀛奎律髓卷之四十五

